

Imelda Geerman-  
Willems: treciendo  
alegria pa muchanan pa  
18 aña largo

Pagina 5

Diabierna 23 di December 2022 [www.bondia.com](http://www.bondia.com) Email: [noticia@bondia.com](mailto:noticia@bondia.com) Tel: 582-7800 Fax: 582-7044 1,75 Florin

*Minister Ursell Arends:*

**“Ta necesario pa acepta responsabilidad  
pa nos desperdicio**



Pagina 3

- **Segun Prome  
Minister: “Aruba  
no ta tras di  
dispensacion di  
debe”**

Pagina 2

- **Salario Minimo ta  
aumenta cu 78,06**

Pagina 6

- **A rescata cuatro  
Venezolano  
secuestra pa  
Tren de Aragua na  
Colombia**

Pagina 10

**Dump na candela un biaha  
mas ayera nochi**



Pagina 4

**Castigo di prison pa dos ex-ambtenaar  
na Sint Maarten**



Pagina 8



Republica  
Dominicana ta bolbe  
pidi intervencion  
internacional na  
Haiti

Pagina 11

Nos di Citgo Santa Cruz ta desea henter Aruba un

*Bon Pasco*

Cu Paz, Amor y Bendicion dreña y ilumina cada hogar...



Santa Cruz 54 | +297 585 8321



*Segun Prome Minister:*

## “Aruba no ta tras di dispensacion di debe”

**Despues di ricibi disculpa di parti di Minister Presidente di Hulanda, Mark Rutte den nomber di Gobierno di Hulanda pa e pasado esclavitud, durante conferencia di prensa Prome Minister di Aruba, Evelyn Wever-Croes a contesta pregunta di un miembro di prensa tocante si esaki por hiba na ricibi un dispensacion di e debe nacional di Aruba.**

Wever-Croes a splica den su contesta cu riba 8 di december nan a dialoga tocante diferente tema durante Catshuis na Den Haag cu Minister Presidente Rutte y otro miembronan di gabinete. El a sigui splica cu na e momento ey a indica, particularmente pa e gruponan di interes, cu ta hopi importante cu despues di 19 di december e wordo claramente skirbi.

El a indica cu pa esaki tin recomendacionnan di legio, suficiente recomendacionnan, cu a wordo haci y despues a señala e grupo di dialogo di pasado di esclavitud den e rapport di Cadena di Pasado y e rapport di Caricom.

Wever-Croes a remarca cu punto 10 di e rapport Caricom ta un propuesta ariba dispensacion di debenan y esey ta inclui tur

e paisnan cu algun biaha den e region aki of otro regionnan a wordo colonisa.

“Pesey mi ta bisa cu no tur cos ta aplicabel un pa un pa Aruba. Nos tabata na Hulanda net e siman prome hunto cu Minister di Finanzas pa indica precisamente cu Aruba no ta tras di e dispensacion di debenan. Aruba kier paga e debenan back; pero nos tin mester claridad di Hulanda con nos mester paga e debenan di corona back”, Prome Minister a enfatisa.

Tocante esey, el a señala cu ya caba tin combersacionnan andando cu entre otro Secretario di Estado pa Relacionnan di Reino, tocante refinanciamiento, e pago back, ki termino, etc. “Nos no a yega niun acuerdo ainda tocante esey y mi no por indica tampoco ki interes nos lo desea di paga of no, esey ta wordo dialoga na un otro mesa.”

Prome Minister a agrega cu importante cu e diferente gruponan di interes cu ta bezig cu e tema aki pa añas caba, y cu a duna nan recomendacionnan, wak tambe cu algo ta wordo haci cu e recomendacionnan. “Esey tabata e rason di mi apoyo pa e carta di dia 9 di december”, el a finalisa.



**BAN PAPERLESS!**  
Ricibi bo factura digital



Con abo por ricibi bo factura di ELMAR digital?  
Subi [www.elmar.aw](http://www.elmar.aw), registra riba nos plataforma di e-Connect y inscribi pa e-Billing.



**BUREAU CITY  
INSPECTOR**

Bureau City Inspector & Control di Cuido  
pa Cacho kier a partisipa na pueblo di  
Aruba cu nos lo ta sera diano di fiesta  
cu ta dia

**24-31 December 2022**

Nos lo habri bek pa publico dia

**3 di Januari 2023.**

Caya Ernesto Petronia 64, Tel. (297) 582 9777  
Email: [info@bci-aruba.com](mailto:info@bci-aruba.com)





*Minister Ursell Arends a presenta blueprint pa comunidad haya sa maneha desperdicio for di 1 di januari*

## “Ta necesario pa acepta responsabilidad pa nos desperdicio”

**Ayera den oranan di mainta minister di Transporte, Integridad, Naturalesa y Asuntonan di Adulto Mayor Ursell Arends a duna un conferencia di prensa pa asina informa comunidad tocante ceramento di dump Parkietenbos, cu mester tuma luga otro siman, dia 31 di december.**

Pa cu esaki, el a splica cu ta trata di 70 aña di historia dera bao un sero cu por wordo mira for di cualkier punto di bista halto, unda un sin fin di producto y material kimico a pusha economia te caminda unda e ta awe.

El a sigura cu a faya di no actua mas lihe pa con Aruba ta maneha e sushi, unda hopi hende a lucha, a papia, a bringa pa ta mas saludabel den nan cas y den e pais. “E fayó di Parkietenbos ta refleha riba pasado y pa refleha e esfuerso di un miho futuro, dia 31 di december ta e ultimo dia cu dump di Parkietenbos ta habri pa publico”, el a señala.

Pa personanan cu ta hardinero, contratista y ta gusta traha den cura cu ta hiba e sushi na Parkietenbos, for di 1 di januari ta bay tin diferente opcion pa ciudadanonan por hiba e sushi. Algun ta bay ta gratis con cierto condicionnan manera green waste y algun hasta lo por genera placa manera metal of wacharaca. Tambe algun desperdicio ta bay tin su costo manera taira y otro materialnan cu ta rekeri un tiki mas di procesamiento.

“Necesario na mesun momento ta pa acepta e responsabilidad pa nos desperdicio. Sushi no ta propiedad di gobierno, pero si gobierno tin e responsabilidad y e deber pa facilita cu esakinan por ser procesa debidamente”, minister Arends a señala.

Gobierno di Aruba cu diferente compania a traha riba un blueprint, esaki ta un descripcion mas detaya di cada etapa di prestacion di un servicio, ora ta realisa un blueprint ta analisa e proceso di manera integral sin importa e areanan cu ta realisa e tareanan, ta cuminsa pa compronde ki etapa e proceso tin, cuanto punto di contacto tin y ki actividadnan e compania ta haci, tanto di esun cu e cliente ta wak como esun no ta wak.

Si ciudadanonan ta di acuerdo pa cambia e manera di



anda cu desperdicio, manera a wordo menciona caba, e opcion aki lo por tin cambio di prijs, algun di nan ta por nada, otronan lo tin un prijs chikito y pa otro e personanan ta bay haya placa na cambio.

Pa cada tipo di desperdicio tin un opcion:

Pa plastic: Plastic Beach Party, Arupro y Ecotech Freezone;  
Pa glas: Romar Trading, Balashi Brewery, Palmera, Aruba Heathot Sauces;

Pa carton of papel: Ecotech Freezone y ICR Services;  
Green Waste: Johnsons y Ecotech Freezone;

Vehiculo, metal, e-waste y white goods: Daltra, ICR Services (esaki ta inclui produccionnan manera frigidaire, aircro, computer, etc);

Bateria di auto: Daltra y Carenta;

Azeta di morto, hydrolic y gear: Daltra y Carenta;

Pa taira: Ecotech Freezone y Carenta.

Si algun ciudadano ta scoge pa sigui cu Serlimar of Ecotech recoge nan desperdicio, un gran parti di e desperdicio aki ta bay wordo procesa pa poni den bales y deposita na Ser'i Teishi.

Tambe tin opcion di reciclahe, cu ta minimalisa e cantidad di desperdicio y ta cumpli cu ley “Milieu schadelijke Producten”.

Dumpnan ilegal ta prohibi y tambe ta importante pa menciona cu si den trabaonan di “demolicion” tin asbest, e compania certifica pa recoge esaki ta acudi cerca Atco Aruba N.V prome cu cuminsa e proceso di maneha asbest debidamente na un luga. Na e manera aki por ser informa con pa recoge desperdicio di halto riesgo pa salud y e proceso di traspasa esaki na Ecotech Freezone. Ademas, mester tin un permiso


di DTI, tur compania cu ta atende cu asbest mester tene nan mes estrictamente na e richtlijnen.

Unabes cu ta constata cu no tin asbest of cu esaki a wordo behandeld basa riba rekisitonan menciona, e persona por scoge pa separa y haci algun cambio den su desperdicionan di construccion y demolicion. E costo di esaki ta por nada, por haya placa back, y tin un gasto total compara cu ora ta dicidi di no separa e desperdicio. Mster tuma contacto cu un compania di colecta desperdicio pa nan serviccionan y ayudo con pa separa.

Pa cada tipo di desperdicio di demolicion tin diferente opcion: concreto, cement of kalichi: Apex ta tuma nan si nan ta limpi pa por wordo recicla; pa metal: Daltra, ICR Services; pa green waste of palet blanco: Johnsons y Ecotech Freezone; no reciclahe: EcotechFreezone, esaki ta inclui desperdicio manera toilet, saco di cement y tur otro tipo di desperdicio no menciona.

Si ciudadanonan ta prefera di no separa e desperdicionan di construccion, esey lo tin un cambio di prijs. Mester hiba esakinan na Ecotech Freezone pa por wordo separa y despues ta redirigi esey na Apex, Daltra y e resto tawordo poni den bales pa bay Ser'i Teishi. Esaki ta bay tin costo mas halto compara cu esnan cu por wordo separa usando diferente baki pa cada tipo di desperdicio.

E herarkia di maneha desperdicio ta keda: Preveni desperdicio, minimalisa uso caminda no por preveni, reusa y promove materialnan reusable, recicla material cu no por reusa sea localmente of den exterior, recupera maneha otro solucionnan como in-



cinerator /Waste to Energy.

Na Aruba tin hopi luga cu tin hopi sushi, pa remedia esaki minister Arends a sigura cu bao di Serlimar tabatin 55 ploeg cu ta haci diferente tarea como corta mata band'i caminda y haci cierto arenan limpi. “Desde 1 di januari 2023 e ploegen aki lo wordo reorganisa y tin di nan hasta a wordo realoca. Tta keda un total di 40 ploeg na Serlimar si mi no ta hera, 6 di nan ta bay na Bureau City Inspector, 4 ta bay na Fundacion Parke Nacional Aruba y 3 ta bay bao di Santa Rosa, nos a aloca esaki pa asina nan haci e tareanan y garantis pa nos por tin nos isla mas limpi cu ta posibel”, minister Arends a sigura.

Esunnan cu ta cay bao Bureau

City Inspector ta netamente pa ora ricibi kehonan for di cierto areanan cu ta sushi cu ta bay limpia e areanan aki conhuntamente cu Serlimar cu lo atende cu e kehonan ey.

Tambe a sigura cu ta importante pa compronde, cu mientras e infraestructura pa un economia circular, pa reciclahe etc. ainda no ta na su luga debido, cu ya caba tin suficiente solucion basico pa por cera Dump di Parkietenbos, pa asina cuminsa e proceso di tapa esaki pa convertie den un Parke Solar.

Lo tin mas opcion den futuro cercano pa caminda unda pa hiba plastic, glas, y otro tipo di desperdicio, cu e meta cu e companianan aki lo recicla mas tanto posibel.



## Dump na candela un biaha mas ayera nochi

Ayera nochi por a tuma nota cu dump na Parkietenbos un biaha mas tabata na candela. E aña aki ariba diferente ocasion dump tabata na candela y e problema aki ta keda un molester pa bario di Parkietenbos.

Apesar cu Minister di Transporte, Integridad, Naturalesa y Asunto di Adulonan Mayor, Ursell Arends, a anuncia cu dia 31 di december lo ta e ultimo dia cu dump lo ta habri pa publico, e sushi lo sigui eynan y pues esaki lo por sigui pega na candela den futuro.

Pa loke ta e funcion di dump despues di su cierre, Minister Arends a splica na reportero di Bon Dia na principio di december cu den su vision lo transforma e dump den un Parke Solar, pero e proceso di analisis y evaluacion ta an-



dando. “E proceso di analisis cu ta andando ta pa fiha cual



ta e miho forma y esun mas sigur pa tanto hende como naturalesa y medio ambiente. Esaki tambe lo bay via un openbare aanbesteding pa e forma. Mester analisa cada estudio debidamente pa asina por scoge un solucion duradero y pagabel”, el a bisa.

Manera a splica anteriormente, pa loke ta e otro

tiponan di desperdicio – comercial –, Minister Arends a splica cu esaki nan lo ser dirigi na diferente compania cu lo percura pa procesa esakinan. cua compania y cua tipo di desperdicio lo ser presenta proximamente den un “blue print” pa asina e ciudadano por sa precisamente kico ta su opcionnan.

*Pa entrega mañan 24 di december*

## Grupo di ciudadano buscando donacion pa muchanan di menos recurso

Un grupo di ciudadano kier hiba un sonrisa mañan 24 di december cu ta bispo di Pasco y p’esey nan ta buscando donacion di personanan cu por duna

nan co’i hunga den bon estado y paña pa muchanan y personanan mas vulnerable den comunidad.

Na Aruba tin hopi mucha

y famia cu no tin suficiente recurso pa por haya un regalo di Pasco, pa e motibo aki Vicente Cristofori hunto cu tres persona mas a dicidi di haci esaki pa prome biaha



mañan 24 di december ta bay na Imeldahof 11or di mainta hunto cu Santa Claus pa asina hiba na e muchanan algun regalo y paña den bon estado.

Den oranan di atardi tambe nan ta bay na casnan di pueblo ubica na Noord unda hunto cu Santa Claus den un pickup nan lo hiba mas regalo y paña pa e famianan cu ta biba den area aki.

E deseo di nan ta pa hiba un presente na e muchanan di menos recurso y paña cu nan a haya di donacion cu lo wordo clasifica den diferente size, pero igualmente, nan ta den buskeda di mas hende cu por colabora cu e causa aki pa asina e muchanan por bira

contento cu un presente.

“Importante ta pa hiba algo na nan, no ta importa si e ta costa un tiki, e muchanan lo ta contento di haya algo e dia aki cu ta importante pa nos tur, pa nan tene un sonrisa den Pasco”, Cristofori a señala.

Pa personanan interesa di colabora cu e nobel causa aki, por comunica na e number di telefon 568.6342 di Vicente Cristofori e cual ta e persona encarga di organisa e actividad aki, tambe el a sigura cu si e persona kier duna paña of coy hunga pero no tin transporte, igualmente por yama na e number ey y nan ta pasa busca e donacion.






**Caribbean Speed Printers N.V.**

Relaciona cu celebracion di Pasco di Nacemento

Ta participa cu **NO** lo tin edicion regular di Bon Dia y Aruba Today riba dialuna 26 di December, 2022.

Pa e motibo aki ta haci un suplica na tur esunnan cu ta desea di publica aviso den Bon Dia y Aruba Today pa diamars 27 di December pa por fabor email: [aviso@bondia.com](mailto:aviso@bondia.com) diabierna 23 prome cu 5or.

Gerencia



*Bon Pasco y cu  
Paz, Amor y Harmonia  
reina den cada hogar*



**Editor**

Caribbean Speed Printers N.V.  
Aruba Bank N.V. Acc. #332668  
Caribbean Mercantile Bank N.V.  
Acc. #23951903  
RBC Royal Bank Acc. #1330772

**Ass. Dir. Ehecutivo**

Xiomara Arends

**Redaccion**

noticia@bondia.com

Pilar Flores (hefe di redaccion)  
Angenette Figueero (closer editor)  
Leo Maduro  
Dilma Arends  
Andreina Morillo  
Raisa Montilla

**Ehecutivo di Benta**

aviso@bondia.com

Sulaika Croes

**Aviso y Arte**

Sandra Loefstop

Lisa Tromp

**Departamento Digital**

Juan Luis Pinto

**Administracion**  
accounting@bondia.com

Mariette Engelhart  
Martha Arteta de Ariza

**Distribucion**

Jenny Kelly

**Coleccion**

Evelinda de Cuba - Tromp

**Pre Press**

Luis Fernando Arenas (Hefe)  
Pablo Libre

**Press**

Roland Schenker (Hefe)  
Omar Ramirez  
Martin Boekhoudt  
Francis Dirksz

**Colaboracion**

Luis Villegas  
Associated Press  
Ret Karibense  
Upload Media Aruba

**Afiliacion**

Sociedad Interamerica  
di Prensa (SIP)

**DIRECCION**

Adres: Weststraat #22  
Tel: 582-7800

Email: noticia@bondia.com  
aviso@bondia.com  
info@bondia.com

Website: www.bondia.com  
Facebook: @bondianoticia  
Instagram: bondiaaruba

**BON DIA ARUBA** ta un corant  
redacta y imprimi na Aruba y ta  
obenibel di dialuna te cu diasabra.  
Ningun contenido por wordo reproduci  
sin permiso di editor.

## Imelda Geerman-Willems: treciendo alegria pa muchanan pa 18 año largo



**Pa 18 año caba Imelda Geerman-Willems ta trece alegria pa e muchanan di Aruba cu su popchian di caricaturanan y den e añanan mas recien cu shownan magnifico pa muchanan. Den un entrevista pa Bon Dia Aruba Imelda ta conta con el a yega na dedica na ahci muchanan contento.**

Imelda ta un ambtenaar pa 30 año. E ta conta cu e ta bin di un famia di 8 ruman, 5 muhe y 3 homber, y e yiu mas chikito. E tin 22 año casa cu Patrick Geerman y nan tin un yiu homber di 19 año. Mama y tata a lanta nos cu norma y balor.

Imelda a traha pa 8 año y mei cu Party Animals, pero despues cu su mama a fayece el a stop di anima fiesta di mucha. Mi mama a feyece prome locual a laga un buraco masha grandi den mi curason. Mi tata a fayece despues cual tambe a laga un bashi", el a expresa.

El a sigui conta cu despues di algun luna cu el a stop di anima fiesta el a cuminsa sinti

falta di haci muchanan felis. Contando su casa con e tabata sinti, su casa cuminsa prepara un sorpresa pa sin bise nada.

"Ora cu materialnan a a cuminsa yega el a surprise mi cu un KvK. y riba dje e number di EZ Party Solutions. EZ Party Solutions tin 18 año di existencia caba y e tabata un regalo super grandi pa mi, caminda mi por a cuminsa haci muchanan felis atrobe", el a conta.

E prome show di EZ Party Solutions tabata cu Tio George y Tanchi Esmee. Imelda a splica cu pa e tempo ey e nunca bay Disney y e tabata pensa riba e gana di yega Disney un dia, locual a a dune idea pa haci e muchanan di Aruba cu no por bay Disney feliz door di cuminsa cu costume.

E prome costume cu a yega Aruba tabata di Hello Kitty pa un fiesta di un amiga di Imelda. Despues nan a topa cu un grupo preparando show pa reina di carnaval cual tema tabata Sesame Street y di biaha Imelda y su casa a bisa nan ta yuda treciendo e



costumenan pa e show, cual a sali best show.

Despues di traha dos show cu Tio George y Tanchi Esmee, Imelda a sigui conta, el a tuma e durf di haci un show riba su mes cual tabata 'Masha and the Bear'. E show a bende seis sala completo prome cu e show a cuminsa.

E año aki Imelda a organisa e show titula 'Encanto and Friends'. El a splica cu ora el a wak e pelicula Encanto di biaha el a bin cu e idea pa un show di Encanto, hunto cu e tan gusta caracter di Sonic. Despues di e show y cuater sala completo, Ez Party solutions hunto cu e grupo di

baile Kids & Youth in Action a ricibi invitacion pa haci e show na Corsow.

"Esaki tabata mi soño hecho realidad. Danki na e crew di EZ y mi famia y sin laga afo e promotor Corine. Nos a sa di representa Aruba y a laga un bunita stempel. Nos a presenta un solo show pa un sala di 1500 persona, un sala sold out.

Di momento cu e prome cancion a cuminsa, e alerga cu e muchanan tabatin riba nan cara a pone nos sinti nos na cas y tur nervio a keda atras. E tabata un experiencia super bunita. Hopi trabou pero pa muchanan nunca e curpa ta cansa. Un danki sigur na Juf Debra pa a join mi den mi show", el a expresa.

Pa loko ta 2023, Imelda ta sigura cu tin un super show na caminda, pero no por papia mucho ainda paso awor nan ta trahando riba dje.

Por ultimo Imelda gradici tur cu ta yude haci e muchanan di Aruba contento. "Un biaha mas mi ta gradici mi gran Dios cu a dunami energia pa haci muchanan felis, na mi famia pa tur e pasenshi y na mi super crew cu ta all out cu nos pa make things happen".





*Minister Glenbert Croes*

## Salario Minimo ta aumenta cu 78,06 te na Afl. 1893,40

**Dia 20 di December Minister Glenbert Croes a firma e decreto cu ta declara cu salario minimo ta aumenta cu 78,06 florin. Di 1815,35 entrante 1 januari 2023 salario minimo ta yega te na Afl. 1893,40.**

Segun un comunicado di prensa, e mandatario ta sumamente contento cu e decision aki tuma cu ta conta cu sosten absoluto di Gabinete Wever-Croes, un aumento cu ta conta tambe cu sosten di SER cu ta e instancia cu ta consisti di Gobierno, Sector Privu y Sector Sindical.

“Aruba a pasa den temponan hopi dificil durante e pandemia. Danki na Dios Tata Todopoderoso y e maneho

visionario di Gabinete Wever-Croes cu Aruba a bin ta recuperando di un forma sorprendente y admirable. Esaki ta haci e aumento aki uno mas cu husto maske cu nos no ta ainda unda cu nos mester ta pa por cumpli cu e bestaansminimum. Pero cu e aumento aki nos ta poco poco cerando e gap aki”, e mandatario ta declara.

Durante e acto di firmamento di e decreto, e mandatario a repasa e desaroyo di salario minimo di ultimo decanan. Durante 8 aña di Gobierno di MEP, di 2001 pa 2009, MEP a aumenta salario minimo cu un total di 431 florin. Durante Gobierno di AVP, cu a goberna den añanan cu Aruba tabata den bonanza, AVP



a aumenta salario minimo cu apenas 134 florin so, den 8 aña di gobernacion. Desde 2017 di existencia Gabinete Wever Croes 1 & 2, Glenbert Croes como Minister di La-

bor a percura pa den consulta cu SER y DAO, aumenta salario minimo cu un total di 216,06 AFL., den apenas 5 aña di Gobernacion. Corectamente manera e

mandatario a declara, lo sigui monitoria e situacion di cerca con e grado di inflacion lo continua, con costo di bida ta sigui aumenta, pa por empodera e homber y muhe cu tur dia ta lanta traha duro pa por duna su mes y su famia un bida husto y cu un miho porvenir.

Minister a probecha e oportunidad pa anuncia cu DAO lo ta trahando durante aña 2023 riba e ‘minimum uurloon’ pues un minimo di salario pa ora. Otro expectativa beneficoso pa e clase trahado pa 2024. Cu paso lento pero sigur ta dunando husticia na e mama y tata di famia cu ta traha duro tur dia pa un miho porvenir pa nan mes y nan yunan.



**Diaranson mainta, Prome Minister Evelyn Wever-Croes, riba peticion di Minister di Husticia y Asunto Social Rocco Tjon cu actualmente ta den exterior, a reuni cu señor Daniel Tecklenborg di CEDE Aruba y señor Dave Ensber-Kleijkers director di Stichting Jantje Beton**

CEDE Aruba hunto cu Stichting Jantje Beton ta pasando rond di nos isla pa mira cua ta e parkenan pa mucha (speel-tuin) cu tin pa asina haya un idea unda Stichting Jantje Beton por yuda. Stichting Jantje Beton ta conoci como un fundacion na Hulanda y actualmente ta expande den Reino Hulandes cu intencion pa adopta un speel-tuin pa nan drecha y renoba y specialmente pa pone riba standard di siguridad. Lo no mantene solamente na un parke tradicional sino lo pone e toke di e era digital pa asina tur mucha tin un experiencia bunita y diferente ora nan bishita e parke.

Stichting Jantje Beton a caba di habri un parke pa mucha na Boneiro na unda cu nos isla ruman a keda hopi impresionado cu e bunita parke pa mucha.

“Nos ta desea Stichting Jantje Beton exito. Gobierno di Aruba ta coopera cu e proyecto aki y ta spera cu pronto esaki bira realidad pa nos isla no solamente riba un speel-tuin pero riba mas speel-tuin pa asina nos muchanan por sinti cu nan tin un luga pa recrea pafo cu distraccionnan sano y cu tur siguridad. Nos muchanan merece luganan safe y bunita pa nan por pasa tempo y hunga den dje”, Prome Minister a expresa.

Door di e situacion financiero di nos pais, Aruba mes aworaki lo no por inverti den mehora tur nos parkenan pa nos muchanan. Sinembargo si a logra inverti y drecha algun. E recien banda di Costa Linda na unda nos muchanan y mayornan ta haciendo bon uzo di e facilidad aki.

## Stichting Jantje Beton fundacion ta na Aruba pa explora posibilidad pa adopta speel-tuin





**AWO**

**MINI MEGA**

**MEGA PLUS**

Awo cu 2 florin mas, bo por gana e

**\* Afl. 625.000,-**

**\* Afl. 450.000,- + Afl. 175.000,- extra**

Benta ta sera 7:30 pm y sorteo ta hunga 7:45 pm

**MEGA PLUS**



**HUNGA AWO**

**lotto**

## Alemania lo paga pa mas medicamento pa mucha den medio di escasez

(AP) - Gobierno di Alemania a bisa diamars cu nan l permiti e companianan di seguro di salud paga mas pa medicamentonan pediátrico mirando cu tin un escasez den e pais.

Alemania a cuminsa haya obstaculo pa haya medicamentonan basico manera pildonan pa dolor den simana reciente mirando cu a experiencia obstaculo den delivery y un demanda hopi mas halto compara cu normal. Minister di Salud Karl Lauterbach a bisa cu e seguronan cu ta forma e base di e sistema di salud publico Aleman lo por paga 50% mas di loke legalmente a keda stipula pa medicamentonan sin patenta. Si e medicamentonan aki no ta disponibel, nan por conta cu



medicamentonan mas caro di cierto marca of crea likidonan preferi pa uso pediátrico na luga di tablet.

Alenania, unda e prijsnan cu seguronan ta paga ta ser stipula, ta un mercado menos

atractivo pa algun compania farmaceutico cu nacionnan alrededor manera Hulanda. Lauterbach a bisa Alemania lo purba tambe combati e escasez di antibiotica y medicamentonan pa cancer pa medio di duna preferencia na



proveedornan cu ta produci ingredientenan clave dentro di e Union Europeo y rekeri pa nan mantene varios luna di suministro.

Autoridadnan Aleman a bisa cu e pais tin un escasez critico di mas di 50 medicamento,

mayoria di nan generico. E problema ta causa pa un margen chikito di algun medicamento, un concentracion di e suministro den cierto paisnan fuera di e union, un demanda mas halto y problemanan di control di calidad.

## Centronan di kemadura a trata 26 mucha cu heridanan serio causa pa klapchi desde november

(NLTimes) - E 3 centronan di kemadura na Hulanda ya caba a trata 29 persona cu heridanan serio causa pa incidentenan relaciona cu klapchi. Di e total aki, 26 di nan ta-

bata mucha segun loke RTL Nieuws a reporta.

Ambos e centronan di kemadura den Red Cross Hospital na Beverwijk y na Maastad Hospital na Rot-

terdam a duna tratamento na 9 mucha, mientras cu e Martini Hospital na Groningen a trata 8 mucha. Nan a expresa preocupacion cu tocante loke ta aparenta di ta un aumento den nan region.



“Anteriormente nos tabata mira e tipo di kemaduranan aki den december, aña pa nan a cuminsa den november y e aña aki nos ta mirandonan desde hasta october,” vocero di Martini Hospital a declara.

Sinembargo, tambe a bisa cu no tin indicacion cu e incidentenan a ser causa pa explosivonan mas severo of pisa, sino pa e klapchinan mas comun cu muchanan por usa, manera pagara chikito y klapchinan cu ta drey. “Por ehempel, nos ta mirando muchanan cu a sufrir kemadura bao di nan pia,” e vocero a splica RTL Nieuws. “Esaki a ser causa pa medio di scop un klapchi cendi cu ta riba vloer. Esaki ta causa

un zonido fuerte y a bira un desafio riba rednan social.”

RTL Nieuws tambe a nota cu tabatin un advertencia entrega aña pasa haciendo yamado pa hendenan, specialmente muchanan, stop di trapa riba klapchinan sendi djis paso nan ta mustra inocente y no dañino. Un victima por sufrir di kemadura di tercer grado si esaki explota y kima door di e sapato.

Hospital Rotterdam y Beverwijk a bisa cu e cantidad di pashent cu nan a mira te cu awo e aña aki ta similar na añanan anterior. “Pero claramente, cada pashent ta uno dimas,” e vocero di e centro di kemadura na Beverwijk a declara.



## Castigo di prison pa dos ex-ambtenaar na Sint Maarten

**(smn-news) – Dos ex-ambtenaar top a ricibi sentencia di prison den Corte di Prome Instancia e siman aki den un investigacion largo conoci como ‘Seabass’.**

E investigacion di Landsrecherche a enfoca riba fraude, malversacion di fondo, abuso di nan posicion y labamento di placa relaciona cu oferta y licitacion pa proyectonan di tecnologia di informacion (IT) y compra di hardware y software pa computer di gobierno di Sint Maarten. E corte a sentencia e sospechoso principal, ex-cabesante di departamento di IT di gobierno, M.D. cu cuatro aña y nueve luna di prison pa fraude y labamento di

placa habitual. E sentencia ta vincula na M.D. abusando su posicion na momento di otorga contractnan publico ICT den su rol como cabesante di ICT. Varios proyectonan a keda entrega na M.D. y/o companianan propiedad di su familiarnan. Otro ambtenaar y co-sospechoso, J.L. a ricibi un sentencia di dos aña y nueve luna pa fraude y labamento di placa habitual. Un cantidad grandi di proyectonan di IT di gobierno a keda otorga na compania di J.L., Valmeer management and Consultancy NV (VMC) y varios otro negoshi di IT propiedad di familiarnan di M.D. Su ruman muhe, un di e doñonan di otro companianan involucra den e caso, a ricibi sen-



tencia di ocho luna di prison condicional of dos aña y 240 ora di trabao comunitario pa fraude y complicidad den labamento di placa habitual. Investigacion Seabass ta resultado di un investigacion anterior di Administracion di Impuesto na januari 2016, tempo cu ex-cabesante di Oficina di Impuesto a infor-

ma fiscal di posible comportamiento criminal di Effective Business Solutions IT consulting NV (EBS) funda pa M.D. E investigacion di Landsrecherche ta muestra cu un di su oficialnan top a ‘scam’ gobierno di Sint Maarten pa añas. Desde 2010 M.D. a manda contract pa compra di pro-

ductonan tecnologico di gobierno na companianan bao su control.

Gobierno di Sint Maarten a obtene productonan ICT pa prijsnan hopi mas halto, tin biaha cu especificacionnan inferior y terminonan di entrega. E enfoko principal di e caso tabata e proyecto di implementacion ICT di varios miyon pa e edificio gubernamental nobo e tempo ey na Pond Island. Di e proyecto aki, VMC so a ricibi 1.9 miyon dollar.

Di 2010 pa 2019, M.D. y su co-acusadonan a defrauda gobierno pa un suma di mas di 9 miyon florin. Gran parti di e placa a keda transferi na companianan falso na Merca bao control di M.D.

## Parlamento di Corsou ta aproba presupuesto 2023

**(CuraçaoChronicle) – Si man aki, Parlamento di Corsou a aproba e presupuesto pa e pais pa aña 2023. E diestres miembro di Parlamento di e coalicion MFK y PNP a vota na favor, y siete miembro di oposicion a vota contra. Solamente miembro di oposicion Michelangelo Martinez di partido KEM no a vota.**

Gobierno a tuma como punto di salida e refinanciamiento no comprometi di debenan bieu pa balansa e presupuesto, un stap cu cual Colegio di Supervision Financiero

Cft usualmente no ta di acuerdo. E riesgonan den cuido di salud, incluyendo Centro Medico Corsou CMC, tampoco ta inclui den e presupuesto.

Gasto riba servicio regular a keda poni na tiki mas cu 1.7 biyon florin den e presupuesto nobo, mientras gasto riba servicio capital ta yega tiki mas cu 1 biyon florin.

Gasto di inversion riba bienes cu ta sirbi un proposito sostenible ta aloca den servicio capital. Henter entrada y gasto actual di e pais ta cay bao di e servicio ordinario.



## Xploration Coastline ta bay produci un miyon liter di awa pa dia

**(CuraçaoChronicle) – For di 2024, Xploration Coastline Curaçao ta bay produci 1 miyon liter di awa pa dia for di awa di lama pa sector agricultural di Corsou usando energia limpi. Ademas, por usa e**

**plataforma durante desasternan humanitario den Reino y den Caribe.**

Dia 8 di december, e purificador mobil di awa a firma un acuerdo cu Aqualetra y

Universidad di Corsou pa desaroyo di e infraestructura local necesario pa conecta e instalacion flotante.

Xploration Coastline Curaçao ta produci tanto awa potable como pa agricultura

door di purifica awa di lama, y ta usa solamente energia limpi. Tur produccion di awa necesario y instalacionnan di tratamiento di awa, incluyendo generadornan di energia, ta riba un plataforma flotante. Esaki ta haci posible pa lans’e

rapidamente pa ayudo humanitario den caso di desasternan dentro di Reino. Esnan afecta na e sitio pues ta segura di e prome necesidad pa awa (potable).

Pa mayor parti di e aña, e instalacion ta mara na Corsou pa contribui na seguridad alimentario. E 1 miyon liter di awa pa dia e ora ta bay keda disponible pa agricultornan.

E uso dual ta segura cu gastonan di inversion y manencion ta comparti, y awa pa agricultura ta bira hopi pagable. Xploration Coastline Curaçao pues ta cumpli cu e pre-condicion crucial pa duna empresaria agricultural Curasoleño un miho chens pa ta competitivo.





## Ciudad Belga na frontera ta cera caya yen di turista Hulandes cu a yega pa klapchi

(NLTimes) – Ciudad Belga di Baarle-Hertog na frontera cu Hulanda ta interveniendo pa combati e fluho di Hulandes cu kier cumpra klapchi. E municipalidad pronto ta bay preveni trafico vehicular stranhero riba dos caya unda ta ubica hopi benta di klapchi.

“El a djis bira demasiado”, segun alcalde Frans de Bont a bisa noticiero Radio 1. “E residentenan a fada.” Nan no ta solamente molestia pa e procesion sin fin di auto Hulandes, sino tambe pa hende orinando den publico, y di paki y cahanan di klapchi



benta rond, De Bont a bisa.

Baarle-Hertog tin “seis tienda di klapchi, mientras tin

apenas tres mil habitante”, segun e alcalde. E pueblo anteriormente solamente tabata ricibi asina hopi entusiasta di

klapchi Hulandes den ultimo simannan di aña, pero e biaha aki, segun e alcalde, e fluho a cuminsa pa fin di september.

Na Hulanda, por bende klapchi solamente den ultimo tres dia di aña. Pa e motibo aki, e Hulandesnan ta enfoca riba Belgica, unda esaki ta permiti henter aña.

Kapelstraat y Klokkenstraat ta bay cera entre 9am y 6pm. Solamente residente, proveedor, servicio di emergencia y ciclista ta permiti pa pasa.

De Bont a coordina e ciere di caya cu su bisña Hulandes, Baarle-Nassau, pasobra e cayanen ta pasa den ambos ciudad. E municipalidad di Baarle-Hertog ta completamente rondona pa Hulanda, y partinan di Baarle-Nassau tambe ta rondona pa Baarle-Hertog.

## Estado Hulandes ta bay lucha pa daños den acuerdo fraudulento di tapaboca



(NLTimes) – Minister di Cuido y Deporte, Conny Helder ta bay segura cu Estado reclama daños su fri den un acuerdo controversial pa tapaboca cu Sywert van Lienden y su partnernan. Asina mes, rabia pa su contestanan a ocasiona cu hopi politico di oposicion a bandona e debate.

Riba solicitud di Helder, Fiscal ta bay segura cu e caso no ta bira mara na tempo, pa asina Estado no keda sin recupera e daño sufri, Helder a bisa durante e debate tocante e acuerdo entre Ministerio di Salud y Van Lienden, na balor di 100 milyon euro. Di esaki, como 30 milyon a bay pa Van Lienden y su dos part-

ner como ganashi. Helder no kier inicia proceduranan legal ainda, sino kier warda pa OM completa su investigacion criminal.

Cantidad di partido a bandona e debate cu Helder, irita pa su contestanan. Caroline van der Plas di BBB tabata e prome, pasobra el a bisa el a haya suficiente “cu e gran charada”. PVV, DENK, FvD y GvH a sigui.

Helder a ripiti un y otro biha cu ex-minister di Salud, Hugo de Jonge no a usa presion politico pa cera e acuerdo di tapaboca cu Van Lienden, ya cu esaki no ta aparece den investigacion di Deloitte. El a trece e tip pa e tapaboca y tabata kier sa repetidamente con e negociacionnan tabata andando.

Helder ta admiti cu ambtenaarnan a experimenta presion

politico, pero si esaki a wordo haci en berdad no ta sigur.

Un debate fuerte a sigui pasobra segun oposicion, ta mas cu cla cu De Jonge a pusha pa e deal, pero Helder a insisti y a ripiti su punto di bista continuamente.

Van der Plas a pidi pa trece De Jonge den Parlamento pa duna un contesta, pero coalicion a blokea esaki.

**BONDIA**  
ARUBA

**Bo ta stima bo yiu**  
**BISA NO** Na abuso di  
**Mucha...**  
**HASI USO DI CARSEAT**

Di curason,  
nos ta gradici comunidad  
pa e sosten y comprension.

**Bon Pasco y  
Bon Aña 2023!**

27 y 30 di december  
y 2 di januari nos ta cera.  
Pa caso di storing por yama 280 4600

**WEB**  
WATER- EN  
ENERGIEBEDRIJF  
ARUBA N.V.

Balashi 76, Aruba | T. 280 4600  
WEB Aruba Chat: 525-4600 | [www.webaruba.com](http://www.webaruba.com)



## Colombia: Un persona a muri pa candela na un deposito di combustibel

(AFP) – Diaranson ultimo un bombero a fayece na momento cu e tabata atende un candela na un

deposito di combustibel na ciudad di Barranquilla, nort di Colombia, segun autoridadnan local cu ta-

bata lucha pa paga e candela a informa.

“Nos ta lamenta e fayecimiento di e sargento Javier Enrique Solano Ruiz, durante e emergencia aki”, alcaldia di Barranquilla a indica riba Twitter. Riba video publica pa autoridadnan local por wak candela grandi riba un waf hunto na riu Magdalena y un columna di humo preto cu a extende te e ciudad di 1.3 miyon habitante.

Den e pio momento e candela a envolve dos tanki grandi

carga cu combustibel y tabata menasa di yega na otro dos cu substancia mas peligroso. Pero den oranan di anochi, alcalde Jaime Pumarejo a informa cu e candela den un di e deposito tabata “casi paga.”

Dos boto di Armada tabata bashando awa for di riu Magdalena na e depositonan cu te ainda tabata na salvo di e candela pa baha su temperatura segun loke Pumarejo a bisa. Tambe nan tabatin “scuma y material kimico” pa “evita” un derame di combustibel eventual riba e riu, cu ta yega te lama Caribe.

E candela a cuminsa den instalacionnan di e empresa Bravo Petroleum na unda ta almacena combustibel. E causanan di e explosion te ainda ta den investigacion. E zona industrial unda e incidente aki a tuma luga tabata evacua debi na “radio di evacuacion” cu alcaldia a haci di 800 meter.

E capital di waf di Barranquilla a suspende su operacionnan “pa protege e barconan cu tabata programa pa drenta”, debi na e candela, segun loke e capitan di e waf Jesus Zambrano a comenta.



## El Salvador: Ta adverti cu libertad di prensa ta den “estado critico”

(Infobae) – Asociacion di periodistanan di El Salvador (APES) diaranson ultimo a señala cu libertad di prensa na e pais ta den “estado critico” y a reporta cu e aña aki a registra por lo menos 125 agresion contra periodistanan.

Presidente di APES, Angelica Carcamo a bisa cu e aña aki pa prensa di El Salvador ta nifica “un punto critico” debi na casonan di “spionahe ilegal” cu e software Pegasus, e salida di e pais di 11 periodista y e reforma penal “antiprensa”.

“E cos mas grave e aña aki ta cu Estado Salvadoreño ta esun cu ta agredi prensa” Carcamo a sigura, y a recorda

un serie di reforma legal, entre e cual ta un cu ta bay castiga hasta cu 15 aña di prision e publicacion di temanan relaciona cu gangnan.

El a firma cu e enmienda legal aki “ta haci mas dificil e trabou periodistico” y cu ta “grave”, pa motibo cu a hiba varios di su colega pa sali for di El Salvador di manera preventivo. El a agrega cu ta existi un “silencio complice” di Fiscalia General den e casonan di infeccion contra e programa di spionahe na trinta periodista y e hortamento di cuentanan di servicio di mensahe instantaneo.

El a conta tambe cu e Aso-

ciacion a recauda casonan di “detencionnan arbitrario” den cual e militarnan ta mas agresivo den e trato cu prensa, el a bisa cu entre polis y militarnan “tin enfrentamento” entre nan na e ora di interveni periodistanan.

Centro di Monitoreo APES a registra por lo menos te dia 15 di december, un total di 125 agresion. E casonan cu mayor number ta di atakenan digital (24) y di restriccio pa ehercicio periodistico (23).

Nan a destaca den un comunicado cu “si bien na El Salvador no tin periodistanan preso of morto, Gobierno Salvadoreño, cu ayudo di otro organonan di Estado, a causa

un clima di impunidad legal y di abuso policial y militar.”



## Nicaragua: Daniel Ortega a yama “heroe” polis sanciona pa Merca pa violacion di derecho humano

(Infobae) – Dictador di Nicaragua, Daniel Ortega a yama pa “heroe” e subdirector di Polis Nacional, Ramon Antonio Avellan Medal, ken Merca a sanciona pa presuntamente comete actonan significativo di violencia y violacion di derecho humano.

Hefe di Estado Nicaraguense a cataloga di “heroe” e hefe policial durante un acto di graduacion di cadete na Academia di Polis di Nicaragua, celebra dialuna ultimo cu porta cera y di e cual a publica un comunicado den e website gubernamental. Ora el a presenta Avellan, Ortega a yam’e “nos ruman stima, heroe cu a pone den prueba loke ta disciplina cu

compañeronan cu tabata den e comando policial ey na Masaya”, ciudad cu a lanta contra su regimen, den e marco di e crisis sociopolitico cu e pais ta biba for di 2018.

Segun Ortega, su opositornan “a pensa cu Polis tabata venci, y atakenan tabata na diferente cuartel, tur dia, y tabata sali di algun misa” di na unda algun pastooran a sali, manipulando e Santonan, pa yama na un dramamento di sanger.”

Dia 7 di november di 2019, Departamento di Tesoro di Merca a anuncia sancion economico contra Avellan y otro halto funcionarionan di e regimen di Nicaragua, pa su relacion cu “abuso di derecho

humano, fraude electoral y corrupcion.”

Merca ta señala cu e hefe policial a comete actonan significativo di violencia, violacion di derechonan humano, a aplica medidanan di represion, a realiza arestonan arbitrario, ehecucion extrajudicial y desaparicion di manifestantenan antigubernamental.

Considera pa opositornan Nicaraguense como un di e represor maximo di manifestacionnan, Avellan a dirigi e denomina “Operacion Limpieza” na ciudad di Masaya, un di e foconan di resistencia durante e protestanan di caya contra e regimen di Ortega.







## Republica Dominicana ta bolbe pidi intervencion internacional na Haiti dilanti ONU

(DiarioLibre) – Un biaha mas, Minister di Republica Dominicana, Roberto Alvaraez a suplica dilanti Consejo di Seguridad di Nacionnan Uni tocante e situacion na Haiti cu tin mester di un forsa internacional pa enfrenta e bandanan criminal cu e meta pa debiliza paz na e nacion.

Den un mensahe di varios



minuut, Alvarez a indica cu e bandanan, apoya pa algun parti di e sector politico y militar di Haiti, no solamente

ta un atentado contra e tranquilidad, si no cu nan ta obstaculisa e combate contra hamber y colera, enfermedad cu a mata mas di dos mil persona desde cu e brote a cuminsa.

“Con por reparti e alimentonan pa alrededor di cinco miyon di persona den riesgo di sufri inseguridad alimenticio agudo na 2023, incluyendo dos miyon di mucha y hoben, di cual aproximada-

mente 250 mil ta sufri di desnutricion agudo”, e minister a puntra na e coleganan di ONU.

Den e sentido ey, den nomber di e Gobierno Dominicano, e minister a pidi lo mas pronto posibel e intervencion internacional pa combati e bandanan di e pais bisiña.

E pais Dominicano a realiza un cantidad di esfuersonan na fabor di e pueblo Haitiano:

suministro di combustibel pa hospitalnan y otro entidadnan; apoyo den seguridad pa transport di e personal diplomatico y atencion di salud gratuito, indicando cu 32.4% di e partonan na e hospitalnan ta di muhenan Haitiano. Sinembargo el a remarca, cu Republica Dominicana no por carga su so e crisis di Haiti, si no cu e mester sali di e liderazgo Haitiano, pero cu ayudo internacional.

## Venezuela: A rescata cuater Venezolano secuestra pa Tren de Aragua na Colombia

(ElNacional) – Autoridadnan Colombiano a rescata cuater Venezolano secuestra pa e banda Tren de Aragua na e poblacion Colombiano di Villa del Rosario, Cuerpo Policial di Colombia a informa.

“E cuater personanan reteni contra nan boluntad, tres homber y un muhe, entre nan un menor di 17 aña, a wordo

forsa y menasa pa drenta den un bodega cu tabatin e fachada di un agencia di biahe”, e autoridadnan a informa. Den e informacion nan a agrega cu seis ciudadano Venezolano a yega diamars ultimo na e ciudad di Cucuta, capital di e Departamento de Norte de Santander cu ta frontera cu Venezuela, procedente di Chile.

Eynan nan a keda na un hotel

y e siguiente dia nan a biaha pa Villa del Rosario, unda nan a wordo acerca pa personanan cu tabata cobra nan 11 dollar pa yuda nan carga nan maletanan.


Door di e prijs halto di esaki, a bin discusion y e ciudadanonan Venezolano a wordo hiba pa e centro di Villa del Rosario unda nan a wordo sorprendi pa un grupo di per-

sona cu a somete nan. Dos di nan a logra huy di e luga y a pasa e brug Simon Bolivar y a regresa Venezuela.

Esnan cu a logra huy a alerta e autoridadnan Venezolano cu a notifica e autoridadnan Colombiano y asina a desplega un operacion cu a permiti e rescate di esnan secuestra y captura di e cuater supuestu miembronan di Tren de

Aragua. Tren de Aragua, un banda criminal cu ta carga nomber di e estado Venezolano, a extende su accionnan criminal. Inicialmente nan tabata na e zona di frontera na unda nan tabata controla e pase- y negoshinan ilicito di e zona, pero despues nan a aparece na Bogota na unda nan ta bringa pa e control di narcotrafico cu criminalnan local.





## Freewinds ta trece ambiente di Pasco na YMCA pa di tres aña consecutivo

**Muchanan di YMCA tabata tin algo extra pa celebra durante nan cena anual di Pasco, ora cu tripulantenan di Freewinds a pasa y laga un caha grandi di sorpresa na ambos centro, na Dakota como na Sanicolas.**

Tripulantenan di Freewinds a yega cu un caha grandi, yena cu regalonan lora pa tur mucha di tur edad. Manera custumber di e ultimo tres añanan, e regalonan a wordo entrega bou di alegría y e muchanan hopi entusiasma pa wak kico nan lo ricibi e aña aki. Na final, tur mucha a keda masha contento y agradecido pa nan regalito di Freewinds.

Sra.. Inki Geerman di YMCA of Aruba a comenta, “Un danki special pa Freewinds,

cu un biaha mas a haci un donacion den forma di un regalo pa cada mucha cu ta formando parti di YMCA y di nos programa despues di scol. Boso contribucion y sosten ta haci cu nos por crea mas memorianan bunita y cu ta haci e celebracion di Pasco uno mas magico. Nos ta aprecia esaki masha hopi mes.”

“Contribuyendo na e comunidad local, ta algo cu Freewinds semper ta conoci pe, pa e ultimo añanan cu nos ta hancra aki na Aruba. E ta algo cu nos ta gusta haci. Esaki ta mas berdad ainda durante celebracion di pasco y fin di aña, pa wak tur e caranan contento di e muchanan, yena cu alegría, ta algo hopi special y bunita.” Port Captain of the Freewinds, Mr. Ken Weber, ta termina bisando.







WAS ~~38,-~~  
**NOW**  
**36,-**  
AWG

CASH WAS ~~472,-~~  
CASH NOW 425,-

**SAVE 48,-**  
AWG

SAMSUNG  
GALAXY A12

SM-A127-64GB  
BLACK

WAS ~~45,-~~  
**NOW**  
**43,-**  
AWG

CASH WAS ~~552,-~~  
CASH NOW 499,-

**SAVE 48,-**  
AWG

SAMSUNG  
GALAXY A22  
5G

SM-A226-128GB  
WHITE

**amc unicon**

# CAMPAÑA

## DI FIN DI AÑA 2022

WAS ~~59,-~~  
**NOW**  
**56,-**  
AWG

CASH WAS ~~737,-~~  
CASH NOW 659,-

**SAVE 72,-**  
AWG

SAMSUNG  
GALAXY A32

SM-A325-128GB  
BLUE

WAS ~~68,-~~  
**NOW**  
**64,-**  
AWG

CASH WAS ~~943,-~~  
CASH NOW 759,-

**SAVE 96,-**  
AWG

SAMSUNG  
GALAXY A33

SM-A336-128GB  
PEACH

WAS ~~85,-~~  
**NOW**  
**82,-**  
AWG

CASH WAS ~~1053,-~~  
CASH NOW 949,-

**SAVE 72,-**  
AWG

SAMSUNG  
GALAXY A52

SM-A528-128GB  
BLACK

WAS ~~136,-~~  
**NOW**  
**127,-**  
AWG

CASH WAS ~~1591,-~~  
CASH NOW 1479,-

**SAVE 216,-**  
AWG

SAMSUNG  
GALAXY S21  
FE 5G

SM-G990-128GB  
WHITE

**Cumpra, participa y gana hopi premio great.**



521-1160 AMC EAGLE MEGASTORE  
521-1150 AMC DAKOTA  
521-1170 AMC SAN NICOLAAS

HORARIO: 9AM - 6PM  
DIALUNA PA DIASABRA



Pa Credit bin cu ID Valido, 2 ultimo payslip, recibo di Elmar, Setar y Web. Credit Prijs ta basa riba credito di 24 luna despues di 10% down payment.





**Medêri**

*Nos deseo pa  
Aruba en general*

**Bon Pasco**

*cu Pas y Amor  
Reina den cada Hogar*

Schotlandstraat 79 | T. 582 3099  
info@mederinv.com

**BONDIA**  
ARUBA

**Pa AVISO den nos Corant**  
aviso@bondia.com

**FELIZ DIANAN DI FIESTA  
Y UN  
PROSPERO 2023!**

**AZV**  
Algemene Ziektekosten Verzekering

Dia 23 di december ta cera 11:00am  
Dia 30 di december ta cera 11:00am



www.azv.aw

## Chabalitonan a pega tire na candela pega cu riverplate

Diaranson prome cu 10:30 anochi habitantenan di Madiki a reporta di un candela pega cu Riverplate veld.

Patruxa cu a presenta di biaha a constata cu tabatin tire y sushi pega na candela pega cu e edificio panort di e veld.

Di biaha a despacha unidad policial y brandweer; prome instante a kere ta un cas.

Polisnan mes a usa shobel y brandblusser y paga e candela aki.



## Chauffeur a perde control y subi cura di cas den reverse

Diaranson anochi na Caya Frere Bernardinus, un homber tras di stuur di un Suzuki Vitara a perde control pa un of otro motibo momento di a bay reverse e auto y a reverse di golpi y subi un cura di cas.

daño material, polis a keda dirigi na e sitio. Oficialnan a combersa cu e chauffeur, pero no tabata desea di asistencia di ambulance y su documentonan tabata na ordo, y asina e mes a yama su road-service pa nan tuma dato y takelwagen ranca e auto pega riba e cura di cas.

E cura di cas y e auto a haya





## Auto a bolter riba Sasakiweg, ranca borchí y dal den baranca


**Diahuebs pasa di 1or marduga riba Av Nelson Oduber, ex-Sasakiweg net yegando e rotonde pega cu Superfood a sucede un accidente fuerte.**

Un Nissan March mancha pa un dama a perde control baha caminda, bolter cu e auto, ranca borchí dal den barancan y e auto a cay back riba su cuatro wielnan. E impacto tabata fuerte, e personanan den e auto a resulta herida y otro cu pia fractura.

Polisnan a presenta di biaha na e sitio y a cera e caminda, debi cu e situacion no tabata apto pa autonan pasa banda di e victimanan y e situacion den cual e auto a keda.

Dos unidad di ambulance a presenta pa atende cu e damanan herida y paramedico a trata nan na e sitio y a keda transporta pa hospital.

Na final e roadservise a presenta haci nan trabou y despues di rato a yama takelwagen cu a pone cu caminda keda cera pa un rato.



## Persona busca pa husticia a keda deteni



**Diaranson atardi pa mas o menos 3or, den Caya Grandi, polis a haya un tip tocante un sospechoso cu ta busca pa husticia.**

E persona aki manera a mira polisnan uniform, el a cuminsa core bay den direccion di

Rancho, pero no a yega leu.

Polis a logra core su tras, gar'e, deten'e y transporta e sospechoso aki pa warda di polis, unda e lo tin cu bay pasa den e procedura di investigacion.

## Polis a detene homber cu tabata maltrata famia na Zumbo



**Diaranson for di 5or atardi polisnan a keda dirigi algun biaha pa un cas na Zumbo, pa un homber cu ta conoci pa husticia cu tabata maltrata famia di edad avansa na cas.**

Na yegada di e patruya ya e sospechoso a core drenta mondi manera a sinti cu polisnan ta yegando. Despues di rato, polis a bolbe presenta na e cas y aki e homber a drenta mondi atrobe, y aki polisnan a cuminsa rondona e mondi di tanto Zumbo y Cashero y a topa cu e homber canando dilanti di un cas den area di Cashero, y asina pone man riba dje.

Vehiculo di transporte tambe a presenta y asina a bay cu e homber pa warda di Polis.

Polis a combersa cu e famia cu tabata personanan di edad y a tuma e denuncia y pasa esaki over pa recherche.

**Like us on Facebook**  
facebook.com/bondianoticia



## Gruponan ta urgi autoridadnan investiga Snapchat pa benta di fentanyl

(AP) - Mientras Merca ta lidiando cu e crisis di sobredosis mas mortal te cu awo, un grupo di prevencion di crimen nacional a lanta y a cuminsa haci yamado na e departamentu di husticia pa investiga e rol di rednan social den e plamamento di fentanyl, e droga ampliamente usa pa causa un morto di sobredosis den hobennan.

National Crime Prevention Council a manda carta di aranson na abogado general Merrick Garland, haciendo yamado pa un investigacion. E grupo conoci pa su avisonan cu McGruff the Crime Dog ta especialmente preocupado cu e benta di pildonan falso cu tin fentanyl aden riba Snapchat, cual ta un plataforma special entre hobennan. "Dealernan di droga ta usando innovacion Mericano pa bende productonan mortal," director ehecutivo Paul DelPonte a skirbi. "Plataformanan di rednan social ta carga un responsabilidad pa cu e fayecimentonan aki."

Mortonan di sobredosis na Merca a yega nivelnan re-



cord aña pasa, cu un averahe di 1 morto cada 5 minuut na Merca entre hobennan di 10 pa 19 aña, mortonan a aumenta cu 109% entre 2019 y 2021 segun data mensual di Centers for Disease Control Prevention. E gran mayoria di e mortonan aki, 84%, ta trata di fentanyl, segun e reportahe lansa siman pasa.

Dealernan di droga ta haci uso di rednan social y plataformanan pa manda placa, al-

gun biaha den e mesun transaccionnan, sinembargo Snapchat su tecnologia di deletemensahe y proteccion completo ta haci especialmente duro pa gara nan, DelPonte a splica.

E Departamento di Husticia no tabatin comentario tocante e carta.

E compania doño di Snapchat a bisa cu di nan parti, nan a tuma suficiente paso pa mehora seguridad riba e platafor-

ma y a mira un disminucion den reportahe di usuarioman cu a mira benta di droga for di 23% aña pasa te na 3.3% luna pasa. Tambe nan ta sostene un proposicion pa mehora y motiva reportahe di actividad di droga di companianan di rednan social.

Jennifer Stout, vice presidente di politica publico global na Snapchat, a bisa cu e compania ta usa tecnologia pa identifica y kita dealernan ademas di brinda sosten na investigacionnan policial. "Nos lo continua haci tur loke nos por pa asina nos combati e crisis nacional aki," el a bisa den un declaracion.

Di tur manera, Snapchat ta e plataforma mas comun cu familiarnan ta menciona ora cu nan ta bini na e grupo aki pidiendo ayuda segun DelPonte.

E mayornan aki ta inclui Amy Neville, ken su yiu homber Alex tabatin 14 aña ora cu el a cumpra un pildo cu el a pensa tabata Oxycontin via e plataforma den juni di aña 2020. E mucha homber a caba di conta su mayornan tocante su experimentacion cu droganen y nan tabata den proceso di pone su persona den tratamiento.



## Libertad di fundador di FTX a ser poni na 250 miyon



(AP) - Negociante di criptomonedas Sam Bankman-Fried a sali for di sala di corte na Manhattan riba diahuebs cu su mayornan despues cu nan a keda di acuerdo cu lo firma un acuerdo di 250 miyon dolar pa su libertad y di mantene su persona encarcela na su cas na California mientras e ta warda pa e huicio bao acusacionnan cu el a estafa in-

versionistanan y a tuma deposito di clientenan den su plataforma FTX.

Abogado asistente Nicolas Roos a bisa den corte federal cu Bankman-Fried di 30 aña di edad, "a crea un fraude di proporcionnan epico." Roos a propone terminonan estricto na su libertad incluyendo e pago di e 250 miyon dolar, cual el a bisa cu ta e suma mas grandi federal cu a yega di ser

poni, ademas di su aresto na cas di su mayornan na Palo Alto.

Un motibo importante pa permiti esaki ta cu Bankman-Fried, ken a ser encarcela na Bahamas, a acepta pa ser extradita na Merca segun Roos. Reuni cu su mayornan y abogadoan fuera di sala di corte, el a duna man na su sostenedornan prome cu el a sali for di e porta, unda fotografonan



a sigui su persona.

Hues magistrado Gabriel W. Gorenstein a keda di acuerdo cu ambos condicion, aunke cu el a rekeri pa pone un armband cu ta monitor Bankman-Fried su posicion y localidad. Roos a propone pa pone esaki diabierna na California.

Su condicionnan di libertad tambe ta rekeri pa e no habri ningun linea nobo di credi-

to, cuminsa otro negoshi of drenta den transaccionnan financiero di mas di 1,000 dolar sin notifica gobierno of corte. E acuerdo a ser segura cu e balor di su mayornan su cas y e firma di nan conhuntamente cu otro personanan financieramente responsabel cu bienes considerabel, Roos a bisa. E acuerdo aki a ser describi como 'personal recognizance', nificando cu Bankman-Fried no mester cumpli cu e suma dicta.



## Team 99 a clausura 2022 cu su clasico “NOS cu NOS”!

Diadomingo 18 di december, manera e referee a caba di fluit e ultimo pito di e increibel thriller entre Argentina y Francia, Chef Han a bati bel p’e clasico di tur aña cuminsa n’e famoso Domino Square Garden, e “NOS cu NOS” di Team 99.

Mescos cu aña pasa, a parti e grupo entre e veteranonan VIP – esnan cu tin añanan largo ta milita den Team 99 – y e “Generacion Nobo” cu ultimo tempo a join Team 99. Mester bisa cu e ambiente atrobe tabata uno di kita sombre, caminda e pasapalanan y ham horna completamente gratis tabata skeiro un biaha mas manera di tradicion den publico y participante.

Varios VIP conoci (y “berucht”) a haci presencia e diadomingo ey, manera e accountant di e famoso Dr. Phil di The Free Savannah



University, e conocido “capo di tutti capi” y notorio Licenciado M. A. G. Nesio, kende pa añanan largo tabata hou bij tur debe cu Dr. Phil haci, ni con chikito esaki por ta. Tambe por a conta cu e guy cu a siña domino via computer y cu te dia di awe ta babuca un y tur cu su formulanan secreto, esta nada menos cu Nelson “Snor” Perez. Un otro djaka di caña presente tabata Mr. “Man got to go” himself, Salomon Heyden, hunto cu su “handlanger”, nada menos

cu Mr. Djo “hala waya” Giel. Y asina, tabatin hopi di esnan conoci den “underground” di domino, manera Dr. Tico Dirksz, “Indio” Kelkboom, Ronald “Vliegende Hollander”, Sunny “Tsunami”, “Chiks” Tromp, “El terror de Ponton” Rudolfo, Grandmaster Robby Jansen y hopi otro mas. Despues di un fuerte bataya, caminda Lcdo. M.A.G. Nesio a spera ainda di haci un hazaña estilo Saudi Arabia vs Argentina, den e grupo



di veteranonan VIP a sali campeon “Snor” Perez y Ronald “Vliegende Hollander”. Como subcampeon a sali Salomon Heyden hunto cu Rudolf Pinedo. Den categoria “Generacion Nobo” a sali campeon “Indio” Kelkboom y “Chiks” Tromp, mientras cu na segundo lugar a keda Dr. Tico Dirksz y Roy Sneek. Mester menciona cu Dr. Tico y Roy tabata invicto y p’esey Chiks cu Indio mester a gana nan dos biaha tras di otro pa por a logra e titulo. Tambe,

segun rumor den “wandelingen”, un y tur mester gradici Dr. Jeff y Grandmaster Yoyo, kendenan a dicidi di no participa pa duna otro un chens. Asina caya ta fluister.

All in all shonnan, un tremendo diadomingo caminda un biaha mas Domino Square Garden a sa di dispidi na un manera tremendo di temporada 2022, y kier a desea tur su fanaticonan y pueblo di Aruba en general un bon Pasco y un exitoso 2023!

## Congreso Mericano ta aproba ley di pago igual pa muhernan den competencia internacional

(AP) – Congreso Mericano a aproba un ley cu

ta sigura compensacion igual pa muhernan Meri-

cano compitiendo den eventonan internacional, un pida di legislacion cu a sali di e bataya largo di team femenino di futbol pa ricibi mesun pago cu e team masculino.

limpico Mericano (USOPC) mancha supervision.

mio di Mundial.



Anteriormente e legislacion a pasa den Senado cu sosten unanime. Awo e ta yega mesa di presidente Joe Biden.

Durante ultimo decada, mayoria di sport Olimpico na Merca a cumpli cu standard di USOPC pa compensacion igual.

E Equal pay for Team USA Act, aproba diaranson laat, ta rekeri pa tur atleta representando Merca den competencianan global ricibi mesun pago y beneficio den nan sport, sin importa genero. E ta cubri e mas di 50 deporte nacional di Merca y ta rekeri pa Comité Olimpico y Para-

E legislacion ta bin di un demanda federal contra discriminacion di genero cu e team femenino a entrega contra US Soccer na 2019. E aña aki, e muhernan a firma un CAO nobo cu a inclui structuranan di pago identico pa homber y muhe y distribucion igual di placa di pre-

Pero tabata keda desigualdad entre team di futbol masculino y femenino – cual nan rol den eventonan internacional manera Mundial a resulta den structuranan desigual di pago y diferente supervision – cu a conduci legisladornan na busca pa protege e standardnan den ley.

## Max Verstappen elige Deportista di Aña pa tercer biaha

(NLTimes) – Piloto di auto di careda Max Verstappen a keda elige como Deportista di Aña pa di tres biaha. Verstappen, di 25 aña di edad, ta gana e titulo mundial di Formula 1 e aña aki pa segundo temporada consecutivo. El a ricibi e mayor cantidad di voto di su coleganan atleta y e hurado profesional.

E piloto di Red Bull Racing a gana e eleccion contra dos otro atleta nominado: ciclista di pista multiple, campeon mundial Harrie Lavreysen,


y campeon di speed skating Olimpico, Thomas Krol. Verstappen no tabata presente na e Sports Gala. Su ruman muher Victoria tabata na Amsterdam pa represent’e y a acepta e Premio Jaap Eden den su nomber. Icono di skating, Irene Wust a presenta e premio.

Verstappen tabata Deportista di Aña anteriormente na 2016 y 2021. Na 2016, e tabata e prome ganador Hulandes di un careda di Formula 1, y tambe tabata e piloto di F1 di mas jong pa gana un careda.

Aña pasa el a ricibi e titulo honorario pa logra su prome titulo mundial den e clase premier di motorsport.

E aña aki el a extende su titulo cu un record di 15 victoria den Grand Prix. Ademá, hunto cu su compañero Mexicano di team, Sergio Perez, el a duna e team Red Bull Racing e titulo den Campeonato di Constructor.

Despues di e ceremonia, a muestra un video den cual varios piloto y ex-piloto di Formula 1 a felicita Verstap-



pen, incluyendo Jackie Stewart, Nelson Piquet, Mark

Webber, Nico Hulkenberg y Damon Hill.



Bista Politico ta un seccion di **Bon Dia Aruba** specialmente pa brinda oportunidad na tanto partido politico como politico individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organisacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

## BISTA POLITICO

*Parlamentario Alvin Molina (MEP):*

### Hobennan a haya informacion y hermentnan valioso

**Recientemente, Kiwanis Club of San Nicolas a organisa e di dos edicion di e proyecto pa guia mucha homber den hende homber “Coaching Boys into Men”.**

Meta di e proyecto ta pa empodera e mucha homber pa asina nan por tin un fundeshi solido cu hermentnan cu nan tin mester pa sigui dilanti den bida. Un total di 30 hoben entre 12 pa 17 aña a participa. Tema di e aña aki tabata ‘Be brave, stronger & better’. E mainta a inicia na Joe Laveist Sport Park unda cu Egmond Molina a duna e sesion di “fitness” y na mes momento a duna e participantenan “coaching skills”.

E mainta a continua na Filomena College unda cu “role models” den comunidad James Sneek, Janiro Eisdien, Lito Lacle y Dwight Kock a papia cu e hobennan dunando conseho y informacion valioso cu por wordo aplica den bida. Como tambe a toca e tema con pa trata hende muhe en conexion cu eliminacion di violencia contra hende muhe.

Mi ta felicita Kiwanis Club of San Nicolas cu un bunita proyecto dedica pa educa nos hobennan.



*Parlamentario Shailiny Tromp-Lee (MEP):*

### Hulanda a pidi disculpa y a reconoce cu esclavitud ta un crimen contra humanidad

**Dialuna mi a keda invita pa VNO pa ta presente na Renaissance Convention Center pa ta presente na e live stream caminda prome minister Mark Rutte for di Archivo Nacional na Hulanda a presenta reaccion di Gabinete riba e rapport ‘Ketenen van het verleden’ di e colegio di conseho grupo di dialogo pasado di esclavitud y alabes e la tene un discurso importante.**

Despues di prome minister Mark Rutte Secretario di Estado, Eric van der Burg, cu ta na Aruba actualmente, a tene un discurso adicional caminda e la duna splicacion di e reaccion aki na nomber di Hulanda. E la para keto riba e papel cu estado Hulandes a hunga den e pasado di esclavitud den e parti Caribense di Reino y especificamente Aruba. P’ami sigur, manera subraya pa Minister President di Aruba, Evelyn Wever-Croes,



awe ta un dia historico caminda prome minister Rutte den nomber di Gobierno di Hulanda a pidi disculpa y a reconoce cu esclavitud ta un crimen contra humanidad. Awe a keda enfatisa cu e atencion pa e topico aki no lo

keda na awe si of na un disculpa so. E ta continuacion di dialogo pa hunto nos stipula e trayecto con lo percura pa restaura, recupera y logra reconciliacion.

E topico di esclavitud ta un

topico cu durante e delaster reunionnan di IPKO a forma parti di e agenda. Un topico pisa y yena di emocion. Un topico cu mester haya su debido atencion y Parlamentonan den reino ta dunando esaki sigur.



## Aurora

### Royal Pray

Funeral Home & Crematory

Cumana # 76 & # 44/ van Speyckstraat # 1  
Oranjestad, Aruba  
Telephone: (297) 588-6699  
E-mail: info@aurorafuneralaruba.com

“Señor ta mi wardador, mi’n tin falta di nada.  
Den cunucu di yerba berde e ta ponemi sosega.  
E ta hibami na awa tranquil,  
pa mi bolbe haña forsa”.  
Salmo: 23

Cu dolor na nos curason, nos ta participa  
fayecimento di nos ser stima:



### Lilian J. Croes-Croes

Cariñosamente jama “Tia Li” y “Pepe Lila”  
\*23 februar 1958 – 18 december 2022\*

Na nomber di su:

Casa: Cornelio C. Croes

Yiunan:

Illiana L.J. Voets-Croes y Mathias “Thijs” Voets

Lee-Ann M.C. Croes

Jairzinho J.A. Croes

Sobrina mescos yui:

Maryline “Emily” Croes y Jason Nicholls y yiunan.

Nietonan:

Jaymar L.C. Croes

Alexander J.C. Voets

Rumanan:

Benjamin “Jimmy” y Carolina Croes-Croes

Jasmine y Ibi Angela-Croes

Mescos cu ruman: Sue-Ann Ras y yiunan

Sobrina/o nan :

Nikita Croes y Edwin Tromp y yiunan

Caroly Croes y yiunan

Jeymie Croes

Jerremy Bislik y yiu

Jowell Bislik y Frideska Britten y yiunan

Jake Angela

Omonan :

Robby y Maria Croes-Tromp y famia

Julio “Juchi” y Imelda Maduro- Roos y famia

Adolf “Dolf” y Gladys Maduro-Bernadina y

famia

Hedwiges “Eddy” y Jeanne Maduro-Gijsbertha y famia

na Hulanda

Frans y Isolda Maduro-Wever y famia na Hulanda

Maximo “Micheal” y Yvonne Maduro-Hart

Ronald “Nati” y Loes Maduro-Wester na Hulanda

Tantanen :

Maximina “Choma” Croes

Sra. Vda Tecla Arends-Croes

Sra. Vda Sita Croes-Croes y famia

Sra. Vda Carmen “Quela” Geel-Maduro y famia na

Hulanda

Elvia y Ovy Henriquez-Maduro

Swanan:

Carlos Croes “Walty” y yuinan

Gregorio Croes “Gochi” y Suzy Croes-Harms y yui

Lucio Croes y Lutgarna “Loekie” Croes-Winklaar y yuinan

Ihanan:

Maryline “Emily” Croes, Vanessa Croes

Primo y Primanan na Aruba, Hulanda, Merca

Bisiña nan y tur Amistad nan y ex-coleganan

Demas famia : Croes, Voets, Maduro, Nicholls, Angela,  
Hill, Loeftok, Tromp, Medina, Roos, Bernadina,  
Bouwman, Gijsbertha, Hart, Wester, Wever, Arends,  
Koolman, Henriquez, Kransen, Flemming, Bislik,  
Ras, Luidens, van der Linden, Bremer, Celaire, Stuger,  
Werleman, Solognier, Geerman, Webb, Yarzagaray y  
demas famianan na Aruba, Hulanda y Merca.

Danki en especial na K.W.F.A. attn. Sra Lorencia Geerman  
y Lily Prins

Ta invita pa acto di condolencia y entierro cual lo tuma  
lugar diahuebs 22 di December 2022 na Misa Sagrado  
Curason na Savaneta di 2’or pa 4’or di atardi. Despues lo  
sali pa Santana Central Sabana Basora.

Lo tin un box disponibel pa un donacion pa stichting  
Koningin Wilhelmina Kanker Fonds.

## Aurora

### Royal Pray

Funeral Home & Crematory

Cumana # 76 & # 44/ van Speyckstraat # 1  
Oranjestad, Aruba  
Telephone: (297) 588-6699  
E-mail: info@aurorafuneralaruba.com

Cu inmenso dolor na nos  
curason nos ta anuncia  
fayecimento inespera di nos  
mama, esposa, yui,  
ruman, tanta, wela y bisawela  
stima;



### Edna Maria Filiciana – Maduro

Cariñosamente yama “Mama Maria”  
08 Dec 1948 – 18 Dec 2022

Na nomber di su esposo:

Joseph de los Santos “Bito” Filiciana

Yiunan:

Erwin Filiciana

Raul y Sania Filiciana-Valencia

Jacky Filiciana y Aldrin Noguera

Rosanne y Jonathan Paula-Filiciana

Nieto y nietanan:

Devon Noguera y Veronica Mayorga

Kevin Noguera y Michelangela Leito

Xenon Noguera y Ayisha Baena

Zachlynn Noguera

Gabriela, Daniella y Raphaela Filiciana

Xhyandra, Xhyara y Xhzylianne Paula

Bisanieto y bisanietanan:

Devin, Damion, D’vaën y Demier Noguera

Milaiza, Mason y Malcolm Noguera

Xavier Noguera

**Mayor nan:** †Frans y †Josepha Maduro-Rasmijn

**Ruman nan:**

Emerita y Fransisco Weller-Rasmijn

†Roberto “Roy” y Luz Marina Maduro-Gonzalez

Dolores “Doy” y Jado Maduro-Maduro

Enrika “Ika” y Juni Arends-Maduro

Herbert “Bebe” y Vilma Maduro-Geerman

Edgar “Gachi” Maduro y Dora Correa

Romulo “Dumbo” y Sandra Rasmijn-Jansen

Luz Estella y Rafael Maduro

†Farah Rasmijn y famia

**Subrino y subrinanan:**

Shakira Arends y Rivelino Gamarra

Ursell y Tamarah Arends-Croes y yuinan

Bryan Maduro y yuinan

Gregory Maduro y Geneida Geerman

Fathia Weller

Thaïna Maduro y Kendrik Lumenier y yui

Thanny Maduro y Gino Panneflek y yuinan

Maurice y Isabella Maduro-Meelis y yui

Edgar “Picho” Maduro y Merlin Espinosa y yuinan

Edson Maduro

Justin Maduro

Ezequiel Rasmijn

Rumblito Rasmijn

Jakemar y Nicolette Kock – Habibe

Arantxa Maduro y yuinan

Amelia Maduro

**Swa y cuñanan:**

Treinita “Chichi” y Estanislau Stamper y famia

†Sixto y Stella Feliciano y famia

Elsa Filiciana y famia

Livia y †Buchi Irausquin-Feliciano y famia

†Fenchi Filiciana y famia

Chommie y †Maria Filiciana y famia

Ella y Dufi Croes y famia

Vera Filiciana y Juni Koolman y famia

†Valeriano Filiciana y famia

Feli Feliciano y famia

Rudy y Filomena Filiciana y famia

Ta invita ihanan, comer y comper nan na Corsow, primo  
y primanan, tanta y omo nan y demas famia y conoer nan  
pa companja nos den e acto di despedida cu lo tuma lugar  
27 di december 2022 na Aurora Funeral Home.  
Nos Mama Maria lo ta reposa for di 9or pa 10:30 di  
mahinta na Aurora Funeral Home, sigi pa un response  
10:30am. Y pa 11or ta sigi cu acto di cremacion cual ta  
tuma lugar den seno familiar.

Nos ta lamenta cu nos no ta ricibi bishita di condolencia  
na kas.

## Aurora

### Royal Pray

Funeral Home & Crematory

Cumana # 76 & # 44/ van Speyckstraat # 1  
Oranjestad, Aruba  
Telephone: (297) 588-6699  
E-mail: info@aurorafuneralaruba.com

“Dios ta amor... y amor ta Dios,  
maske mi no ta na e mundo aki, tur dia lo mi  
ta banda di boso Curazon, mi por stens di loke  
Señor ta hasi”  
Salmo 33

Cu dolor na nos curason, nos ta participa  
fayecimento di nos ser stima:



### Sra. vda. Mercelina Farro-de Cuba

Mihor conoci como “Madu of Lina”

\*18-10-1932 - †15-12-2022

Casa: †Ray Farro

Yiunan

Pedro y Maria Farro-Bisliip

Edna Farro y †Robert

†Diana Farro

Harold y Mariela Farro-Geerman

Nietonan: Elvis, Marcel, Joselle, Guido, Krista,

Kyndra

bisanieto nan: Denzel, Rygel, Jake

Ruman: Miguel y Benita de Cuba

Sobrina y sobrinonan: Lidia, Luis y Meggy, Glenda,

Glen y Glenrick, Janchi, Greta, Jorell, y Lee-John,

Ipi, Jacky y Ghislaine, Willy y Joyce, Gisela, Roland

y Chris, Lourdes

Tur bisiñanan, conocirnan, amistadesnan.

Demas famianan: de Cuba, Farro, Bisliip, Geerman,

van Raalte, Zara, Leones Galaraga, Meurs,

Werleman, Maduro, Eckmeyer, Evertsz, Tromp,

Jacobs, Dennert, Figaroa, Semeleer, Leest, Giel,

Lacé, Franken, Hawkins, Tucci, Figaroa, Flanegin,

Knot, Cremer, van Leeuwaarden, Domacasse,

Jansen, Zebeda, Hoevertsz, Kazenbroot, Selder,

Ogenia, Hradecky, Hekman

Gradicimento ta bai na Dr. vd Linden, su  
cardiologonan Lacé, Kolff y Dennert , Dr. D. Lacé  
y muy en especial su ciudadonan Delcy, Rosa, Aida,  
Ethlyne, Martiza, Ferquis y Nicole

Famia ta invita pa:

Condolencia ariba diahuebs 22 december na Aurora  
Funeral Home na Oranjestad di 7’or pa 9’or  
anochi.

Entierro lo tuma lugar na Misa Sagrado Curason di  
Savaneta diaberna 23 december di 9’or pa 11’or y  
despues pa Santana Catolico na Savaneta.  
Si ta desea, por duna un donacion pa Sticting  
Sonrisa en bes di flor.

Alabes nos kier invita pa 3 Santo Sacrificio di misa  
pa difunto na Misa Sagrado Curason na Savaneta  
cual lo tuma lugar dia 28 y 29 di december na  
Savaneta y dia 30 december na kapel di Pos Chikito  
pa 7 ‘or p.m.

Nos ta pidi disculpa si den nos tristesa nos por a  
lubida algun famia.



**Aurora**  
*Royal Pray*  
Funeral Home & Crematory  
Cumana # 76 & # 44/ van Speyckstraat # 1  
Oranjestad, Aruba  
Telephone: (297) 588-6699  
E-mail: info@aurorafuneralaruba.com

Laga tur loke ta spera mi ta bunita  
Laga tur locual cu mi encontra na caminda ta bunita  
Laga tur locual cu mi laga atras keda bunita y  
Laga esakinan termina den tur buniteza.  
Autor: Cado Wever.

Cu dolor na nos curason, nos ta participa  
fayecimento di nos ser stima:



**Sr. Nicasio Kelly**  
Mihor conoci como "Niki, Pachi"  
\*14-12-1935 – †18-12-2022

Esposa  
†Maria Kelly Britten  
Yiunan:  
Sira Ramada Kelly Elvira Kelly  
Robertico Kelly y Maximina Werleman  
†Henry Kelly  
Nieto y nietanan:  
Jonathan Ramada y Uliseth Nuñez  
Joshua Ramada y Nelmirsa Oduber  
Ghislaina y Clifton Rosa de Cuba  
Gilmar de Cuba  
Giomar de Cuba  
Zulaika y Julio Croes  
Rodney Kelly y Angelic Geerman Roslene Kelly  
Ashgard Kelly  
Bisanieto y bisanietanan:  
Vince, Prince, Felix, Jayrod, Naysean, C-lainy,  
Sophia, Zulaima, Juleen, Julie-anne, Jaydan,  
Isabella, Jayshawn, Shandrick.  
Sobrino y sobrinanan:  
Sra viuda Sixta Kelly y famia, Juliana y Carlos  
Kelly y famia,  
Sra viuda Filomena Tromp y famia, Rolando y  
Glavel Tromp,  
Bernadetta y Ignacio Gomez y famia, Sra viuda  
Sonia Schwengle y famia,  
Leon y Maria Tromp y famia, Sra viuda Petra  
Boekhoudt y famia,  
†Andres y Lea Tromp y famia, Juanita Tromp,  
Juanito y Evelyn Tromp y famia, Pedro y Beatrix  
Tromp y famia, Tecla Tromp, Anthony Thode,  
Ludwina Kelly, Albertico Kelly, Gregory Kelly

Sua: sr. Viudo Bernardo Britten i famia  
Ayudantenan: Ludwina Kelly  
Ihanan, primo y primanan, comer y compernan y  
famia.  
Ex colega di Lago, Fantastic Garden, Maduro and  
Sons y team di bala stima: Calabas Blue Jays.  
Demas famia: Kelly, Boekhoudt, Britten, Ramada,  
de Cuba, Rosa, Croes, Tromp, Curie, Werleman,  
Gomez, Schwengle, Thode, Farro, Carasquero,  
Everon, Webb, Nuñez, Oduber, Geerman, Van der  
linden, Arends Sawney.

Ta invita tur amigo, bisiña y conocirnan pa asisti  
na acto di entierro cual lo tuma lugar diamars 27  
december 2022 di 2 or pa 4 or na Aurora Funeral  
Home y despues pa Santa Catolico Paradera.

Nos disculpa si nos por a lubida algun familiar.

Despues di entierro no ta ricibi bishita di  
condolencia na cas.

**Aurora**  
*Royal Pray*  
Funeral Home & Crematory  
Cumana # 76 & # 44/ van Speyckstraat # 1  
Oranjestad, Aruba  
Telephone: (297) 588-6699  
E-mail: info@aurorafuneralaruba.com

Bin serka mi tur cu ta cansa y carga y lo mi duna  
boso sosiego eterno. Mateo 11:28

Cu honda pena pero conforme cu boluntad di Dios,  
nos ta anuncia fayecimento repentino di:



**Swinda Mercedes DANIA**  
Cariñosamente yama: "Chi"  
\*24-09-1948 - †17-12-2022

Na number di su:

Rumannan: †Aura y †Boei Ras y yiunan  
Gerarda & †Pancrasio Suarez y  
yiunan  
Teofilo & Isabel Dania y yiunan  
†Teresita Gomez-Dania  
Elvira Dania  
Rudolf & Sita Dania y yiu Sigmar  
y famia  
Lourdes y Orlando Villacis  
Erwin & Lucia Dania y yiunan  
Fabiola Dania  
Marcolina Maduro y yiunan

Mescos Ruman: Lienchi Erasmus

Sobrina Stima: Ghislaine Dania y Lyrick Koolman  
y famia

Mescos cu Sobrino/a Stima: Dianhdra, Sherwin y  
Jarred Howell

Omonan: † Hendrik Dania y yiunan  
† Hose Dania y yiunan  
† Nicky Hoek y yiunan  
† Jossy Hoek y yiunan

Tantanen: Josefa Bakmeyer y yiunan  
Susan Dania y yiunan

Sobrinonan y sobrinanan, ihanan, comer y  
compernan, primo y primanan, bisiña stima Irma  
Kock y famia, amigo y amiganan, compañeronan  
di Grupo Pegasaya, ex-coleganan di Dr. Horacio  
Oduber Hospitaal y demas famia: Dania, Loeftop,  
Loopstok, Hoek, Ras, Suarez, Maduro, Danje,  
Villacis, Silvestre, Willems, Bakmeyer, Wout, Peña,  
Alberts, Robert, Henricus, Desbarida, Helder, Kelly,  
Franken, Werleman, Paesch, Vrolijk, de Lange,  
Kock, Koolman y Erasmus

Demas famia na Corsow: Leito, Montesant, Pieters,  
Senior y Foe

Ta invita tur amigonan, bisiñanan y conocirnan pa  
asisti na e acto di entierro cu lo tuma lugar Diabierna  
23 di December 2022 na Aurora Funeral Home. E  
restonan mortal di Swinda lo ta reposa di 2or pa 4or  
di atardi na Aurora Funeral Home. Despues lo sali  
pa Santana Pastoor Kranwinkel na Paradera.

**Aurora**  
*Royal Pray*  
Funeral Home & Crematory  
Cumana # 76 & # 44/ van Speyckstraat # 1  
Oranjestad, Aruba  
Telephone: (297) 588-6699  
E-mail: info@aurorafuneralaruba.com

"Señor ta mi wardador, mi'n tin falta di nada.  
Den cunucu di yerba berde e ta ponemi sosega.  
E ta hibami na awa trankil,  
pa mi bolbe haña forsa".  
Salmo: 23

Cu dolor na nos curason, nos ta participa  
fayecimento di nos ser stima:



**Rosemary A. Helder-Koolman**  
Mihor conoci como "Rozy"  
\*31-08-1967 - †19-12-2022

Acto di entierro lo wordo anuncia despues

**Aurora**  
*Royal Pray*  
Funeral Home & Crematory  
Cumana # 76 & # 44/ van Speyckstraat # 1  
Oranjestad, Aruba  
Telephone: (297) 588-6699  
E-mail: info@aurorafuneralaruba.com

"Señor ta mi wardador, mi'n tin falta di nada.  
Den cunucu di yerba berde e ta ponemi sosega.  
E ta hibami na awa trankil,  
pa mi bolbe haña forsa".  
Salmo: 23

Cu dolor na nos curason, nos ta participa  
fayecimento di nos ser stima:



**Victorino Tromp**  
\*02-11-1937 - †18-12-2022

Acto di entierro lo wordo anuncia despues



## Clasificado

**ECONOMICO** aviso@bondia.com

**Personal GRATIS max. 20 palabra**  
 PASA LAGA BO AVISO NA OFICINA DI BON DIA  
 ARUBA WESTSTRAAT#22 FOR DI 9:00AM-4:00PM  
 Email nos na  
 classified@csprv.com

### SERVICIO PUBLICO

Construction  
 remodelacion di cas, traha cas,  
 apartment, traha y drecha dak,  
 electricidad, verf pega mosaico,  
 traha cura, plomeria. Bon prijs  
**Tel. 593 3141**

### AUTO Y HERO BIEU

Nos ta piki auto, aircu y bateria  
 bieu pornada. Frigidaire, stoof,  
 wasmachin, tv ta 10,=.  
**Yama 561 4597 / 561 5179**  
 Arubiano Balente

### SERVICIO PUBLICO

Handyman  
 Pa trabouw di verfmto  
 plumbing tuberia, chapi,  
 limpieza di cura, drecha mata  
**Tel : 567 1108**

### SERVICIO PUBLICO

Buscando auto pa huur y na bon  
 prijs? yama nos  
**Tel. 593 9953/ 593 8453**

### TA BENDE

BBQ Grill tipo cilinder  
 "criyoyo" duradero  
 Prijs Afl.250  
**Tel. 569 7787**

### SERVICIO PUBLICO

Sushi den cura pa solamente  
 50,- pa buelta, nos ta lante lague  
 limpi mane un soño.  
 Arubiano trahado  
**Call 592 5766**

### SERVICIO PUBLICO

Ta haci tur trabou di  
 construccion y carpinteria y tur  
 cos cu ta furamento di stul di  
 bambu, cabana y toldos  
**Tel : 746 0518 / 569 7539**

### Sushi den cura?

Ta piki sushi cu pick-up  
 grandi pa Afl 75,= pa buelta.  
 Yama nos na  
**561 4297 of 561 5179**  
 Hasi Aruba Limpi.

### TA BENDE

Caha di Orgel.  
 Tin 3 cylinder NOBO.  
 Pa mas informacion yama  
**Tel. 593 0203**

### SERVICIO PUBLICO

Mi ta cuida mucha " baby sister".  
 Mi tin bon experiencia  
 y bon cuida  
**Te. 562 5941**

### SERVICIO PUBLICO

Pa tur trabou di Plumbing  
 (binnenleiding) pega w.c  
 wasbak, tubo di gas, etc  
 Yama Mario Franken  
**Tel. 740 6591**

### SERVICIO PUBLICO

Pa tur trabou di tapiceria di  
 mueble, auto, yate y barco.  
 Nos ta haci trabou di cabana y  
 bambu y nos ta verf  
**Tel : 569 7539 /737 3993**

### TA BENDE

Combo di regalo pa tur  
 ocasion: Mugs, kerki di biña,  
 tablashi cu leyenda  
 Pa mas informacion  
**Cell whatsapp 567 2907**

### TABENDE

Stndmixer pa bolo Fl.45  
 Candelabro di tres bela Fl. 25  
 6 sombre Fl.5 cada un  
**Tel.593 8120 / 582 3023**

### SERVICIO PUBLICO

Sra. ta haci cas y negoshi limpi  
 tambe por cuida baby y hende  
 grandi part time y full time  
**Tel. 740 7573**

### SERVICIO PUBLICO

Hacemos todo tipo de construc-  
 cion, reparacion de casas, pin-  
 tura, acabados finos, jardines,  
 patios, techos a buenos precios  
**Tel. 569 7539 / 746 0518**

### SERVICIO

Unified One Events  
 Photos , films, wedding  
**Tel. 749 2533**

### SERVICIO PUBLICO

Ta traha y renoba Cas  
 ta traha y drecha dak, ta basha  
 vloer, pleister, verf cas, traha  
 cura, pega mosaico y azulejo-  
**Tel.563 4168**

### SERVICIO PUBLICO

Nos ta haci trabou di  
 plomeria, electricidad,  
 hardineria incluye hiba sushi  
 Handy man.  
**Tel.742 6250**

### SERVICIO PUBLICO

Mi ta chapi, lanta sushi, corta  
 mata, transporta frigidaire, was-  
 machine biew, drecha cas, etc.  
**Tel. 564 1979**

### SERVICIO PUBLICO

Pa haci trabow di verf y chapi,  
 tur mantencion di pafor di cas  
 Yama y puntra pa Benito na  
**Tel.630 5185**

### TA BUSCA

trabou pa haci cas limpi,  
 negoshi of oficina  
**Tel.561 3910**

### TA BENDE

Christmas Ornament Sale  
 Seroe Pita 34 C  
 Bring your own supermarket  
 bag fill for 5 Afl every saturday  
 12-4 until gone

### SERVICIO PUBLICO

Limpieza pa cas y auto  
 Presure wash cura di cas  
 Laba muebles  
 Laba tapijt  
 Laba sienta di auto  
 Laba vloer  
**Tel. 593 9464**

### SERVICIO PUBLICO

Pa trabou di data-entry of  
 update di bo administracion pls  
 contact:  
**Tel.5682339**

### SERVICIO PUBLICO

Mi ta ofrece servicio di  
 electricista en general corto  
 circuito y mantencion  
**Tel.566 5026**

### TA HUUR

Un camber cu tur cos inclui na  
 Brikstraat 1  
**Tel.564 1979**

### SERVICIO PUBLICO

Masaje relajante, sports ma-  
 sages, aroma terapia, piedras  
 calientes, reflexologia, faciales  
 Sabana Basora # 157 P.Ch.  
**Tel. 561 8520**

### SERVICIO PUBLICO

Mi ta ofrece pa cuida di mucha  
 di dialuna pa diabierna y  
 weekend. Pa informacion  
**Tel. 558 7310**

### SERVICIO PUBLICO

Nos ta chapi, corta y planta  
 mata, brinda tur servicio cu bo  
 cura mester. Tira sushi afo, tur  
 esaki na un super bon prijs  
**Tel. 738 1908**

### SERVIO PUBLICO

Ta ofrece pa verf y chapi cura  
 bon prijs. Nos ta hiba e sushi.  
 Yama pa mas informacion na  
**563 4828 / 5679610**

### TA BUSCA

trabow pa wak pa mucha y  
 hasi cas limpi  
**Tel. 569 3253**



### Cas Di Cultura

Vondellaan 2 Aruba  
 297-582-1010

### F A D A

Campanastraat 5 Aruba  
 297-583-2999  
 297-583-9610

### F A V I

Primavera 233 Aruba  
 297-582-5051  
 297-582-5222

### F E P O

Engelandstraat 15 Aruba  
 297-583-1016  
 297-583-6607

**Fundacion Contra  
 Violencia Relacional**  
 Tel: 583-5400

### Fundacion Autismo Aruba

Irenestraat 21 Aruba  
 297-588-1179

### Fundacion Pa Nos Muchanan

Cumana 2 Aruba  
 297-583-4247

### Fundacion Tel Pa Hubentud

Wilhelminastraat 19  
 Aruba  
 297-588-6138

### Koningin Wilhelmina Fonds

Spinozastraat 9 Aruba  
 297-582-0412

### Mary Joan Foundation

Sabana Blanco 8 Aruba

297-588-9999

### Rode Kruis Aruba

Pedro Gallegostraat 14  
 Tel.297-582-2219

Fax 588-3376

### Famia Planea (SBVO)

Avenida Milio J Croes 17  
 B Aruba

297-588-9591

www.famiaplanea.org  
 famiaplanea@hotmail.  
 com

### Stichting Fundacion Guia Mi

George Madurostraat 34  
 297-582-0088

### Y M C A

Calbasstraat 1 Aruba  
 297-582-3072

### AL-ANON group

Sabana Liber #8, Noord  
 (close to the hotels)  
 Tel: 736-2952 or  
 593-7081



### Dokter na warda

**Oranjestad San Nicolas**  
**Hospital Imsan**  
 7:00 pm / 10:00 pm **24 ora**

### Botica na warda

**Oranjestad: San Nicolas:**  
 Eagle San Nicolas  
 Tel. 587 9011 Tel. 584 5712

**EMERGENCIA 911**

### POLIS

Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

### BOTICA

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
San Nicolas	584-5712
Santa Anna	586-8181
Santa Cruz	585-8028
Sero Preto	584-4833
Trupial	583-8560

### UTILIDAD

Setar	117
Web	525-4600
Elmar	523-7147

### FUNERARIA

Aurora	588-6699
Royal Funeral H.	586-4444
Ad Patres	584-2299
Olive Tree	584-8888

## Servicio di Taxi

### Aruba Transfer Tour & Taxi C.A.

Tel: 582 2116 /582 2010

### Taxi Adres Services (24h)

Tel. 587 5900

### A1 Taxi Services Aruba

Tel: 587-8850  
 Tel: 280-2828  
 Whatsapp: 592-7024





## Departamento di Impuesto su dlanan di servicio den temporada di fin di aña

En conexion cu e dlanan di fiesta, Departamento di Impuesto ta participa cu ta adapta e servicio na publico den e proximo dianan.

Departamento di Impuesto ta pidi su contribuyentenan pa tuma bon nota di e fechanan y orarionan adapta pa evita cualkier inconveniencia. Aki ta sigui un skema di e orarionan den e siguiente dianan.

Entrante dialuna, dia 3 di januari 2023, Departamento di Impuesto lo ta habri bek brindando su servicionan manera custumber.

Departamento di Impuesto ta gradici tur contribuyente

cu a cumpli cu nan debenan fiscal durante aña 2022 y ta desea henter pueblo di Aruba un aña 2023 yena cu bendicion y prosperidad.

Fecha	Lugar	Orario
22 di december 2022	Oficina principal na Camacuri MFA y Postkantoor San Nicolas	7:45 am - 1:00 pm non stop 8:00 am - 1:00 pm non stop
23 y 26 di december 2022	Tur oficina	Cera
27 te cu 28 di december 2022	Oficina principal na Camacuri MFA y Postkantoor San Nicolas	7:45 am - 11:30 am   1:15 pm - 3:30 pm 8:00 am - 12:00 pm   1:00 pm - 3:00 pm
29 di december 2022	Oficina principal na Camacuri MFA y Postkantoor San Nicolas	7:45 am - 1:00 pm non stop 8:00 am - 1:00 pm non stop
30 di december 2022 y 2 di januari 2023	Tur oficina	Cera

Resultado Sorteo <i>december 21, 2022</i>	
--	--

Cadena Alexander Lottery ta presenta resultado di weganan di suerte

DIARIO	KORSOU	SUPER4	FLAMINGO
<b>5809</b>	<b>7739</b>	<b>0608</b>	<b>1361</b>
<b>0546</b>	<b>6289</b>	<b>SUPER5</b>	<b>1227</b>
<b>5519</b>	<b>8445</b>	<b>52585</b>	<b>2426</b>

MERDIA	ANOCHI
 Sorteo # 3778 <b>7565</b> <b>4254</b> <b>0302</b>  <b>X2</b>  Sorteo # 3778 <b>6178</b>  Sorteo # 1836 <b>6912</b>  Sorteo # 3778 <b>6543</b> <b>Capricornio</b>  Sorteo # 652 <b>344</b>  <b>FP</b>	 Sorteo # 7825 <b>2878</b> <b>6337</b> <b>9090</b>  <b>X5</b>  Sorteo # 6869 <b>8166</b>  Sorteo # 1574 <b>8730</b>  Sorteo # 5628 <b>0447</b> <b>Aries</b>  Sorteo # 558 <b>500</b>  <b>X2</b>
 Sorteo # 0 x Jackpot 0 x Match 4+ 0 x Match 4 0 x Afl. 12,00 <b>230.000,-</b>	 Sorteo # 5984 0 x Jackpot 7 x Match 4 139 x Afl. 8,00 <b>53.000,-</b>
 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 <b>450.000,-</b>	 <b>Afl. 625.000,-</b>
 Sorteo # 	

## Coreccion y invitacion S.S. di misa na Parokia Birgen di Fatima Dakota



**CORECCION: Dialuna 26 december di dos dia di Pasco: Tin solamente 1 S.S. di Misa pa 9'or di mainta y NO 8'or. POR FAVOR TUMA BON NOTA DI E CAMBIO.**

Diasabra 31 Bispo di Aña Nobo: S.S. di Misa pa 7'or anochi cu bendicion special. Diadomingo 1 Januari 2023 Aña Nobo "Fiesta di Mama Maria Mama di Dios". S.S. di Misanan ta pa 8'or mainta - 10.30 na Spaño - 6'or atardi.

Diadomingo 8 januari 2023 Fiesta di 3 Reynan Epifania di Señor: S.S. di Misanan ta 8 'or am - - 10.30 na Spaño - 6'or atardi. Dialuna 2 januari 2023: Boutismo di Señor. S.S. di Misa ta pa 7'or pm. Reverendo Pastoor Jozef Pelc y Reverendo Diacono Michael Nicolaas ta desea tur parokiano y nan famia y henter pueblo di Aruba Bon Pasco y Venturoso Aña 2023 colma cu bendicion y salud, dicha, fortuna, felicidad y prosperidad.

## Green overseas cu ta financia pa UE kier establece un team di dunador di servicio aki na Aruba Individuonan por participa tambe.

E programa "Green Overseas" (GO-program), cu ta financia pa Union Europeo (UE) y ehecuta pa e compania Expertise France, kier establece un pool di dunador di servicio. Nan buscando dunadornan di servicio cu experiencia den transición di Energia y/of "Resiliente" pa cu cambio di clima y cu tin conocimiento solido di e "Landen en Gebieden Overzee" (LGO) di UE y di e "Gebieden Overzee" (GO) di Reino Uni, particularmente den e region di Caribe.

E pool di dunadonan di servicio aki yama e "Green Overseas Expertise Network". Unabes selecciona pa ta parti di e network aki, lo invita e dunadonan di servicio pa competi pa contratonan specifico pa e implementacion di varios actividad den e LGOs di UE of den e GOs di Reino Uni.

Ta invita tur interesado (exper-tonan individual, "consultancies", companianan, NGOs etc.) cu tin experticio y ex-

periencia relevante pa aplica na PLACE, cu ta un platform publico di destaho di Francia. E number di referencia di e consulta aki ta "2022/S 205-585112" y e link pa e consulta ta: <https://www.marches-publics.gouv.fr/?page=Entreprise>. EnterpriseAdvancedSearch&AllCons&id=2116282&orgAcronyme=s2d

Si kier sa mas di e "Green Overseas Expertise Network" por check: Un video cortico: [https://www.youtube.com/watch?v=yIhmYRIM6i8&ab\\_channel=GreenOverseas](https://www.youtube.com/watch?v=yIhmYRIM6i8&ab_channel=GreenOverseas); Un documento di FAQ; Un tutorial pa yuda expertonan individual of entidadnan legal interesa aplica pa bira parti di e Network.

E documento di FAQ y e tutorial ta accesibel riba e website di DEACI na <https://www.deaci.aw/pool-of-service-providers-with-expertise-in-energy-transition-and-or-climate-change/> y tambe por download nan for di e website: <https://green-overseas.org/> (click riba "Call for Expertise" na e banda drecchi ariba).





CU HOPI AMOR DI PARTI *Famia Oduber*♥

*Bon Pasco y un  
Prospero Aña 2023!*

E REGALO DI AMOR, E REGALO  
DI PAZ, E REGALO DI FELICIDAD,  
E REGALO DI UNION; CU TUR ESAKINAN  
PROSPERA DEN BO CAS  
DURANTE E DIANAN DI FIESTA.



# Weekly SPECIALS

 <p><b>0.89</b> Each</p> <p>Plantain (Banana)</p>	 <p><b>WAS 12.99</b> <b>9.99</b> Per KG</p> <p>Grapes Red Seedless</p>	 <p><b>WAS 43.99</b> <b>39.99</b> Per KG</p> <p>Tenderloin Brasil</p>	 <p><b>WAS 12.69</b> <b>9.99</b> Each</p> <p>Kraft Real Mayo Original 30oz</p>
 <p><b>WAS 14.98</b> <b>9.99</b> Per KG</p> <p>Sla-vinken</p>	 <p><b>WAS 12.90</b> <b>9.99</b> Per KG</p> <p>Halskarbonade</p>	 <p><b>WAS 4.89</b> <b>3.99</b> Each</p> <p>Lays Stax Sour Cream &amp; Onion Chips 5.5oz</p>	 <p><b>WAS 7.19</b> <b>5.19</b> Each</p> <p>EE Cranberry Juice Cocktail 64fz</p>
 <p><b>WAS 2.62</b> <b>2.62</b> Each</p> <p>Bumble Bee Chunk Light Tuna in water 5oz</p>	 <p><b>WAS 13.99</b> <b>11.99</b> Each</p> <p>Kellogg's Rice Krispies Cereal</p>	 <p><b>WAS 7.39</b> <b>6.49</b> Each</p> <p>EE Waffle Cones 12ct</p>	 <p><b>WAS 8.09</b> <b>6.99</b> Each</p> <p>Kool-Aid Drink Mix Tropical Punch 18oz</p>
 <p><b>WAS 1.95</b> <b>1.59</b> Each</p> <p>Gwoon Witte Bonen in Tomaten Saus 370ml</p>	 <p><b>WAS 5.99</b> <b>5.99</b> Each</p> <p>Badia Complete Seasoning 9oz</p>	 <p><b>WAS 8.39</b> <b>6.99</b> Each</p> <p>Belgioioso La Bottega American Grana 5oz</p>	 <p><b>WAS 3.59</b> <b>2.99</b> Each</p> <p>Irish Spring Moisture Blast/Moe 2PK 3.2oz</p>
 <p><b>WAS 8.95</b> <b>7.49</b> Each</p> <p>EE Veg Broccoli Cuts 32oz</p>	 <p><b>WAS 8.99</b> <b>7.99</b> Each</p> <p>Gwoon Keukenpapier 3 Loops Decor 6st</p>	 <p><b>WAS 3.15</b> <b>2.69</b> 100 GR</p> <p>Black Forest Ham</p>	 <p><b>WAS 2.59</b> <b>1.99</b> 100 GR</p> <p>Mozzarella Loaf</p>

**SUPER**  
**Do it Center.**

VALID FROM  
**22 DEC - 29 DEC 2022**  
and while supplies last

SUPER Do it Center Aruba | Shaba 3, Noord Aruba | 5831111 | customerservice@doit.aw